



შპს „კასლეთი 1“

მესტიის მუნიციპალიტეტში, მდ. კასლეთზე 7.6 მგვტ სიმძლავრის
კასლეთი 1 ჰესის ექსპლუატაციის პირობების ცვლილება

სკრინინგის ანგარიში

შემსრულებელი

შპს „გამა კონსალტინგი“

დირექტორი

ზ. მაგალობლიშვილი

2025 წელი

GAMMA Consulting Ltd. 19D. Guramishvili av, 0192, Tbilisi, Georgia
Tel: +(995 32) 261 44 34 +(995 32) 260 15 27 E-mail: j.akhvlediani@gamma.ge; zmgreen@gamma.ge
www.facebook.com/gammaconsultingGeorgia

სარჩევი

1	შესავალი	3
2	დაგეგმილი საქმიანობის მოკლე მიმოხილვა თავდაპირველი პროექტის მიხედვით	4
3	„კასლეთი 1 ჰესი“-ს პროექტში შეტანილი ცვლილებების აღწერა	11
3.1.	ზოგადი მიმოხილვა	11
3.2.	ჰესის სათავე ნაგებობის პროექტში შეტანილი ცვლილებები	13
3.3.	ჰესის ძალური კვანძის პროექტში შეტანილი ცვლილებები	18
3.4.	სადაწნეო მილსადენის პროექტში შეტანილი ცვლილებები	26
	ნახაზი 3.4.1.2. N1 გადაკვეთის გრძივი პროფილი, მ. 1:250	29
4	ინფორმაცია სახელმწიფო ტყის ფონდის ტერიტორიაზე საქმიანობის განხორციელებასთან დაკავშირებით სსიპ „ეროვნული სატყეო სააგენტო“-ს შეთანხმების თაობაზე	36
5	ექსპლუატაციის პირობების ცვლილებით განსაზღვრული სამუშაოების შესრულება	36
6	ინფორმაცია საქმიანობის განსახორციელებელი ადგილის შესახებ - გარემოს ფონური მდგომარეობა და ზემოქმედების რისკები	37
5.1.	ზემოქმედება ატმოსფერული ჰაერის ხარისხზე და აკუსტიკურ ფონზე	37
5.2.	ბიოლოგიურ გარემოზე ზემოქმედება	38
5.3.	ზემოქმედება წყლის გარემოზე	42
5.4.	ნარჩენების წარმოქმნასთან დაკავშირებული ზემოქმედება	42
5.5.	ზემოქმედება კულტურული მემკვიდრეობის ძეგლებზე	43
5.6.	ტრანსსასაზღვრო ზემოქმედება	43
5.7.	ზემოქმედება სატრანსპორტო ნაკადებზე	43
5.8.	კუმულაციური ზემოქმედება	44
7	გარემოზე შესაძლო ზემოქმედების შედარებითი ანალიზი	44
8	მოკლე რეზიუმე	52
9	დანართები	52
8.1.	დანართი N1 განსაკუთრებული დანიშნულების სპეციალური ტყითსარგებლობის მისაღებად საჭირო დოკუმენტაციის პაკეტი	52
8.2.	დანართი N2. ფუჭი ქანების საანაყარის პროექტის სსიპ გარემოს ეროვნულ სააგენტოთან შეთანხმების წერილი	53
8.3.	დანართი N3 კასლეთი 1 ჰესის მშენებლობის პროცესში წარმოქმნილი ფუჭი ქანების საანაყაროს სსიპ გარემოს ეროვნულ სააგენტოსთან შეთანხმებული პროექტი	53
8.4.	დანართი N4: ჰესის თავდაპირველი პროექტის გავლენის ზონაში მოქცეულ ტერიტორიებზე საქმიანობის განხორციელების თაობაზე სსიპ ეროვნულ სატყეო სააგენტოსთან შეთანხმების დამადასტურებელი წერილების ასლები	54
8.5.	დანართი N5: შპს „კასლეთი 1“-ს წერილი ექსპლუატაციის პირობების ცვლილებასთან დაკავშირებით, პროექტის გავლენის ზონაში მოქცეულ სახელმწიფო ტყის ფონდის ტერიტორიებზე საქმიანობის განხორციელების უფლების მიღების თაობაზე	57
8.6.	დანართი N6 ინფორმაცია სსიპ გარემოს ეროვნული სააგენტოს 2025 წლის 22 მაისის N21/4898 წერილში მოცემულ შენიშვნებზე რეაგირების შესახებ	59

1 შესავალი

მესტიის მუნიციპალიტეტში მდ. კასლეთზე მშენებარე 7.6 მგვტ დადგმული სიმძლავრის „კასლეთი ჰესი“-ს მშენებლობის და ექსპლუატაციის პროექტი ხორციელდება „მესტიის მუნიციპალიტეტში შპს „კასლეთი 1“-ს „მდ. კასლეთზე 7.6 მგვტ სიმძლავრის ჰესის (კასლეთი 1 ჰესი) მშენებლობასა და ექსპლუატაციაზე გარემოსდაცვითი გადაწყვეტილების გაცემის შესახებ“ საქართველოს გარემოს დაცვისა და სოფლის მეურნეობის მინისტრის 2019 წლის 7 თებერვლის N2-120 ბრძანების საფუძველზე. პროექტს ახორციელებს შპს „კასლეთი 1“.

წინამდებარე ანგარიში წარმოადგენს მესტიის მუნიციპალიტეტში მდ. კასლეთზე დაგეგმილი 7.6 მგვტ დადგმული სიმძლავრის „კასლეთი ჰესი“-ს მშენებლობასა და ექსპლუატაციის პროექტში შეტანილი ცვლილებების (ექსპლუატაციის პირობების ცვლილების) სკრინინგის განაცხადის ძირითად დანართს.

ჰესის მშენებლობის მიმდინარეობის პერიოდში გამოვლენილი ფაქტობრივი გარემოებებიდან და პროექტის ოპტიმიზაციის მიზნებიდან გამომდინარე მიღებული იქნა გადაწყვეტილება საბაზისო პროექტში შესაბამისი ცვლილებების შეტანის თაობაზე, მათ შორის:

- დაზუსტდა ჰესის დადგმული სიმძლავრე და ნაცვლად 7.6 მგვტ-სა შეადგენს 7.2. მგვტ-ს;
- საბაზისო პროექტთან შედარებით შეიცვალა სათავე ნაგებობის ადგილმდებარეობა, კერძოდ ნაგებობამ მცირედით გადაიწია მარცხენა სანაპიროს მხარეს;
- შეიცვალა თევზსავალის განთავსების ადგილი და ნაცვლად მარცხენა სანაპიროსა, განთავსებული იქნება მარჯვენა სანაპიროს მხარეს;
- სადაწნეო მილსადენით მდ. კასლეთის გადაკვეთა მოხდება ხიდების საშუალებით, ნაცვლად მილსადენის მდინარის კალაპოტის ქვეშა განთავსებისა;
- ნახევრად მიწისქვეშა ჰესის შენობის ნაცვლად ეწყობა მიწისზედა ჰესის შენობა, ხოლო ქვესადგური განთავსებული იქნება ჰესის გარეთ მოწყობილ მიშენებაში;
- ჰესის შენობის მიმდებარე ფერდობიდან ქვათაცვენის ზემოქმედებისაგან დაცვის მიზნით, გათვალისწინებულია რკინა-ბეტონის საყრდენი კედლის მოწყობა;
- სამშენებლო სამუშაოების მიმდინარეობის პერიოდში ჰესის ნაგებობების განთავსებისათვის ოპტიმალური ადგილების შერჩევასთან დაკავშირებით საჭირო გახდა საბაზისო პროექტით განსაზღვრული სამშენებლო დერეფნის ფართობის გაზრდა.

ჰესის საბაზისო პროექტში შეტანილი ზემოთ აღნიშნული ცვლილებები წარმოადგენს გარემოსდაცვითი გადაწყვეტილებით გათვალისწინებული საქმიანობის საწარმოო ტექნოლოგიის განსხვავებული ტექნოლოგიით შეცვლას და შესაბამისად ექსპლუატაციის პირობების ცვლილებას, რაც საქართველოს კანონის „გარემოსდაცვითი შეფასების კოდექსი“-ს მე-5 მუხლის, მე-12 ნაწილის მიხედვით წარმოადგენს სკრინინგის პროცედურას დაქვემდებარებულ საქმიანობას.

აღსანიშნავია, რომ დღეისათვის ჰესის ნაგებობების სამშენებლო სამუშაოები დამთავრების პროცესშია და შესაბამისად ექსპლუატაციის პირობების ცვლილებით გათვალისწინებული სამუშაოებიც ძირითადად დამთავრებულია და/ან დამთავრების პროცესშია.

ანგარიში მომზადებულია სსიპ გარემოს ეროვნული სააგენტოს 2025 წლის 22 მაისის N21/4898 წერილში მოცემული შენიხვნების გათვალისწინებით. უნფორმაცია შენშენებზე რეაგირების შესახებ მოცემულია დანართში N6.

წინამდებარე სკრინინგის ანგარიში მომზადებულია საკონსულტაციო კომპანია შპს „გამა კონსალტინგი“-ს მიერ

საქმიანობის განმახორციელებელი და საკონსულტაციო კომპანიების საკონტაქტო ინფორმაცია მოცემულია ცხრილში 1.1.

ცხრილი 1.1.

საქმიანობის განმახორციელებელი კომპანია	შპს „კასლეთი 1“
--	-----------------

კომპანიის იურიდიული მისამართი	თბილისი, მთაწმინდის რაიონი, ლეონიძის ქ., N 2 / გ. ტაბიძის ქ., N1, სართული 3, ნიშნული +9
საქმიანობის განხორციელების ადგილი	მესტიის მუნიციპალიტეტის ხაიშის თემის ტერიტორია
საქმიანობის სახე	35 კვ ძაბვის მიწისქვეშა საკაბელო ეგზ-ის მშენებლობა-ექსპლუატაცია
შპს „ნიუ ფაუერი“-ს საკონტაქტო მონაცემები:	
ელექტრონული ფოსტა	david.mirtskhulava@gmail.com
საიდენტიფიკაციო კოდი	406107092
საკონტაქტო პირი	დავით მირცხულავა
საკონტაქტო ტელეფონი	595 55 4142
საკონსულტაციო კომპანია - შპს „გამა კონსალტინგი“	
შპს „გამა კონსალტინგი“-ს დირექტორი	ზ. მაგალობლიშვილი
საკონტაქტო ტელეფონი	2 61 44 34; 2 60 15 27


2 დაგეგმილი საქმიანობის მოკლე მიმოხილვა თავდაპირველი პროექტის მიხედვით

კასლეთი 1 ჰესის პროექტი ხორციელდება სამეგრელო-ზემო სვანეთის რეგიონში, მესტიის მუნიციპალიტეტში, მდ. ხაიშურას შენაკად მდ. კასლეთის ზ.დ. 1350-1050 მ ნიშნულებს შორის მოქცეულ მონაკვეთზე. კასლეთი 1 ჰესის ქვედა დინებაში განთავსებულია მოქმედი კასლეთი 2 ჰესის ნაგებობები.

თავდაპირველი პროექტის მიხედვით, კასლეთი 1 ჰესის სათავე წყალმიმღები კვანძის მოსაწყობად შერჩეული კვეთი მდებარეობს ზ.დ. 1350 მ ნიშნულზე, ხოლო ძალური კვანძის განთავსებისთვის შერჩეულია წერტილი მდ. კასლეთის მარცხენა სანაპიროზე, ზ.დ. 1050 მ ნიშნულზე.

საპროექტო არეალი სრულად მოქცეულია სახელმწიფო საკუთრებაში არსებულ არასასოფლო-სამეურნეო დანიშნულების მიწის ნაკვეთებზე. საპროექტო ტერიტორია მდებარეობს სსიპ ეროვნული სატყე სააგენტოს დაქვემდებარებულ სახელმწიფო ტყის საზღვრებში.

ჰესის განლაგების სიტუაციური სქემა მოცემულია ნახაზზე 2.1.

ნახაზი 2.1. კასლეთი 1 ჰესის სქემა თავდაპირველი პროექტის მიხედვით

სათავე ნაგებობა: თავდაპირველი პროექტის მიხედვით, სათავე ნაგებობის მოწყობა გათვალისწინებული იყო მდ. კასლეთის 1350 მ ნიშნულზე ზღვის დონიდან. 12 მ სიგრძის დამბა წარმოადგენდა რკინაბეტონის კონსტრუქციას, რომლის ცენტრშიც განთავსებული იქნებოდა ავტომატურად კონტროლირებადი 2.5 მ სიგანის საკეტი (საგდულიანი ფარი). წყალაღება გათვალისწინებული იყო გვერდითი წყალმიმღებით. წყალმიმღების გამოსასვლელი აღჭურვილი იქნება რკინის გისოსით.


წყალმიმღების გამოსასვლელის ქვემოთ გათვალისწინებული იყო ხრეშდამჭერი, რომელიც დაცულია შანდორული საკეტით (1.30 მ სიგანის), რაც უზრუნველყოფს წყალმიმღების ეკრანის მიღმა დაგროვილი მსხვილმარცვლოვანი მასალის გაწმენდას. წყალმიმღების ქვემოთ მდებარეობს წყალმიმყვანი არხი, რომელიც დაფარულია რკინაბეტონის ფილით. წყალმიმყვანი არხი უკავშირდება საღლეხარს.

ეს კონსტრუქცია შედგება:


- შესასვლელთან განთავსებული შანდორული საკეტი;
- 2 საღლეხარი, თითოეული 32.80 მ სიგრძის და 6.90 სიგანის;
- 2 გამრეცხი კამერა (ნატანის გასარეცხად), თითოეული 4.50 მ სიგრძის და 6.90 მ სიგანის;
- 1 სადაწნეო აუზი (ავანკამერა) 5.00 მ სიგრძის და 6.90 მ სიგანის;
- კამერის 1 საჭიობნი სარქველი 5.00 მ სიგრძის და 6.90 მ სიგანის.

ზემოთხსენებული კონსტრუქციების მთლიანი სიგრძე 48.50 მეტრია, სიგანე კი 6.90 მ, რომელიც დაფარულია რკინაბეტონის ფილით. ტექნიკური მომსახურების მიზნით ფილაზე განთავსებული იქნება 3 სამრომი და სარქველის კამერაში 1 გვერდითი კარი.

ნახაზი 2.2. სათავე კვანძის გეგმა




ნახაზი 2.3. სათავე კვანძის ჭრილები




ჭრილი A-A

Scale 1:100



ჭრილი B-B


Scale 1:100



ნახაზი 2.4. სალექარის გეგმა და ჭრილები


ჭრილი X-X

Scale 1:100



გეგმა

Scale 1:100



თევზსავალი: წყალმიმღების მოპირდაპირე მხარეს (დამბის მარცხენა მხარეს) გათვალისწინებულია კიბისებური (აუზებიანი) თევზსავალის მოწყობა.

კონსტრუქციის კონცეფცია გულისხმობს „საფეხურებისა და აუზების“ ერთმანეთის მიყოლებით მოწყობას. თითოეული მათგანი წინა საფეხურზე ოდნავ დაბლაა მოწყობილი და შემოფარგლულია ლოდებით, რაც მცირე ბარიერს წარმოქმნის. ლოდები დაფიქსირებულია ფსკერზე ან საფეხურებს შორისაც კი, რაც ორ მომიჯნავე ქვას შორის ტოვებს ვერტიკალურ ღია სივრცეს თითოეულ საფეხურთან. აღნიშნული სივრცეები ერთ დონეზე არ არის განლაგებული, არამედ მონაცვლეობით საფეხურის მარცხენა და მარჯვენა მხარეებს შორის.

საფეხურებს შორის სიმაღლეთა მაქსიმალური სხვაობა იქნება 0,2 მ, რაც აკმაყოფილებს „გაერო“-ს სურსათისა და სოფლის მეურნეობის ორგანიზაციის (FAO) მიერ, ზედა საკალმახე ზონისთვის რეკომენდირებულ პარამეტრებს - DVWK, 2002. ამავე რეკომენდაციებს დააკმაყოფილებს თევზსავალის ქანობი.

დამბის სიმაღლის და ზემოაღნიშნული რეკომენდაციების გათვალისწინებით თევზსავალის სრული სიგრძე იქნება 22.5 მ. საფეხურების რაოდენობა - 10. თითოეული საფეხურის სიგრძე - 2.5 მ, სიგანე - 1.5 მ.

სადაწნეო მილსადენი: პროექტის მიხედვით, გათვალისწინებული იყო ფოლადის UNI EN 10224 S355J2G3 ტიპის სადაწნეო მილსადენის მოწყობა დიამეტრით 1100 მმ და სისქით 10 მმ. მილსადენის სიგრძე შეადგენდა 2055 მ-ს.


არსებული საავტომობილო გზის დერეფანში, ზოგიერთ უბანზე მილსადენის მოწყობა გათვალისწინებული იყო როგორც ფერდობის, ასევე კალაპოტის მხარეს. პროექტის მიხედვით მდ. კასლეთის გადაკვეთა გათვალისწინებული იყო 3 წერტილში, მდინარის ტალღეგის ქვეშ მილსადენის მოწყობით. სამივე შემთხვევაში კალაპოტის ქვეშ მილსადენის მოწყობა დაგეგმილი იყო არსებული საავტომობილო ხიდეების ზედა დინებებში. მილსადენის დაცვა გათვალისწინებული იყო მსხვილი ლოდების გამოყენებით და ბეტონის კონსტრუქციებით, რომელიც ლითონის ხიმიანჯებით გამაგრდებოდა მყარ ქანებში. საკუთრივ მილსადენი დამატებით მოეწყობოდა ბეტონის გარსაცმში.


ნახაზზე 2.5. მოცემულია მილსადენის მოწყობის ტიპური სქემები

ნახაზი 2.5. მილსადენის განთავსების ტიპური სქემები

მანუშუაბი 1:50

მანქანები 1:50





9

ძალური კვანძი: თავდაპირველი პროექტით, ძალური კვანძის მოწყობა დაგეგმილია მდ. კასლეთის მარცხენა სანაპიროზე არსებულ გაზასა და ფერდობს შორის არსებულ ტერიტორიაზე. ტურბინების ღერძის განთავსების ნიშნული შეადგენს ზ.დ. 1050 მ-ს. პროექტი ითვალისწინებს ვერტიკალურ ღერძიანი 2 პელტონის ტურბინის და გენერატორის დამონტაჟებას. , მათ ზემოთ მოეწყობა გენერატორები. ექსპლუატაციის და ტექმომსახურების ხარჯის შემცირების მიზნით ჰესი მთლიანად ავტომატიზირებულია. ჰესის მართვა განხორციელდება დისტანციურად კონტროლირებადი PLC (კონტროლირებადი ლოგიკური კონტროლერი) სისტემით, რომელიც უზრუნველყოფს მუშაობის დაწყებას, გაჩერებას და აგრეგატის შემოწმებას. ერთი ტურბინის სიმძლავრე მაქსიმალური ხარჯის 1500 ლ/წმ პირობებში შეადგენს 3.83 კვტ-ს. მოსალოდნელი ეფექტურობა მაქსიმალური ხარჯისთვის არის 90,57 %.


გენერატორის მახასიათებლებია:

- სიმძლავრე 4700 კვა;
- ძაბვა 6,300 ვ;
- ბრუნვის სიჩქარე 750 ბრ/წთ;
- სიხშირის კოეფიციენტი 50 ჰრც.


ჰესის შენობას აქვს პირდაპირი კავშირი (ოპტიკურ-ბოჭკოვანი) წყალმომღების საკეტებთან, რათა შესაძლებელი იყოს წყალმომღების ნიშნულების მართვა. გარდა ამისა, თუ ქვიშადამჭერი გაივსება ნალექებით, სისტემა ავტომატურად გააჩერებს მოწყობილობას და გადასცემს სიგნალს, რომ მოხდეს ნალექების გარეცხვა ქვიშადამჭერიდან.

ძალური კვანძის საპროექტო ნახაზები მოცემულია ქვემოთ.

ნახაზი 2.6. ძალური კვანძის გეგმა



ნახაზი 2.6. ძალური კვანძის ქრილი



3 „კასლეთი 1 ჰესი“-ს პროექტში შეტანილი ცვლილებების აღწერა

3.1. ზოგადი მიმოხილვა

როგორც პირველ პარაგრაფშია მოცემული, ჰესის ნაგებობების სამშენებლო სამუშაოები დამთავრების პროცესშია და შესაბამისად პროექტში შეტანილი ცვლილებების ძირითადი ნაწილი შესრულებულია, ხოლო ნაწილი შესრულების პროცესშია.

კასლეთი 1 ჰესის პროექტში შეტანილი ცვლილებები ითვალისწინებს როგორც ჰესის ცალკეული ნაგებობების (სათავე ნაგებობა, სადაწნეო მილსადენი და ძალური კვანძი) საპროექტო გადაწყვეტების გარკვეულ ცვლილებებს, ასევე საპროექტო დერეფნის ცვლილებას, ზოგიერთ მონაკვეთზე საჭირო გახდა საბაზისო პროექტით გათვალისწინებული საპროექტო დერეფნის გაფართოება, კერძოდ: საბაზისო პროექტის მიხედვით გავლენის ზონაში მოქცეული იყოს 31437 მ² ფართობის ტერიტორია, ხოლო პროექტში შეტანილი ცვლილებების მიხედვით შეადგენს 43416 მ²-ს, შესაბამისად სხვაობა შეადგენს 11979 მ²-ს.

საბაზისო პროექტით გათვალისწინებული საპროექტო არეალის გაფართოების საჭიროება განპირობა სადაწნეო მილსადენის განთავსების დერეფნის ოპტიმიზაციამ, კერძოდ: საბაზისო პროექტის მიხედვით, სადაწნეო მილსადენის განთავსება გათვალისწინებული იყო არსებული საავტომობილო გზის მიმდებარე ფერდობებზე და შესაბამისად არსებობდა საშიში გეოდინამიკური პროცესების გააქტიურების შედარების მაღალი რისკები. პროექტის ოპტიმიზაციის პროცესში მიღებული იქნა გადაწყვეტილება, სადაწნეო მილსადენის საავტომობილო გზის უშუალო სიახლოვეს გატარების თაობაზე. აღნიშნულის გამო გარკვეულად შეიცვალა მილსადენის საპროექტო დერეფანი და გაიზარდა პროექტის გავლენის ზონაში მოქცეული ტერიტორიის ფართობი. აღსანიშნავია, რომ ცვლილების შედეგად, გარკვეულად შემცირდა მილსადენის განთავსებისათვის საჭირო სამშენებლო სამუშაოების მოცულობები, გეოლოგიურ გარემოზე ზემოქმედების რისკები და ასევე ჭრას დაქვემდებარებული ხე მცენარეების რაოდენობები.

პროექტის გავლენის ზონაში მოქცეული ტერიტორიების გეოგრაფიული კოორდინატები shp ფაილების სახით საბაზისო პროექტის და პროექტში შეტანილი ცვლილებების მიხედვით თან ერთვის სკრინინგის ანგარიშს.

პროექტში შეტანილი ცვლილებების მიხედვით გარკვეულად მცირდება გარემოზე ზემოქმედების რისკები, ასე მაგალითად:

ცვლილების მიხედვით, თევზსავალი ნაცვლად მარცხენა სანაპიროსა ეწყობა მარჯვენა სანაპიროს მხარეს, წყალმიმღების უშუალო სიახლოვეს, რაც მნიშვნელოვანია თევზსავალის ექსპლუატაციის პირობების (საჭირო წყლის ხარჯის მოწოდების) გაუმჯობესების თვალსაზრისით.

საბაზისო პროექტი მიხედვით, სადაწნეო მილსადენით მდინარის სამივე გადაკვეთა დაგეგმილი იყო კალაპოტის ქვეშ მოწყობილი მილსადენის საშუალებით და საჭირო იქნებოდა კალაპოტის ფარგლებში მნიშვნელოვანი მოცულობის სამუშაოების შესრულებასთან. მდინარის კალაპოტის ქვეშ მილსადენის განთავსების სამუშაოების შესრულება და შემდეგ ექსპლუატაცია დაკავშირებულია გარემოზე ზემოქმედების მაღალ რისკებთან. პროექტში შეტანილი ცვლილებების მიხედვით, სადაწნეო მილსადენი განთავსებულია საბაზისო პროექტით გათვალისწინებული ხიდების ბურჯებზე და შესაბამისად გამორიცხულია მილსადენის კალაპოტის ქვეშ განთავსებასთან დაკავშირებული დამატებითი ზემოქმედების რისკები.

ანალოგიურად შეიძლება აღინიშნოს ჰესის ძალური კვანძის პროექტში შეტანილ ცვლილებებთან დაკავშირებითაც, კერძოდ: ქვათავენისაგან დაცვის მიზნით, პროექტი ითვალისწინებდა ნახევრად მიწის ქვეშა ჰესის შენობის მოწყობას და ქვესადგურის განთავსება დაგეგმილი იყო ჰესის შენობაში. ჰესის შენობის მოსაწყობად მიმდებარე კლდოვანი ფერდობის ექსკავაციის

სამუშაოებთან დაკავშირებული რისკების (განსაკუთრებით ფერდობის მდგრადობის შემცირება) შემცირების მიზნით, პროექტში შეტანილი ცვლილების მიხედვით, მოწყობილია მიწისზედა ჰესის შენობა, ხოლო ქვესადგური განთავსებულია ჰესის შენობის გარეთ მოწყობილ მიშენებაში. ცვლილების მიხედვით, ჰესის შენობასა და მიმდებარე ფერდობს შორის მოწყობილია საყრდენი კედელი. აღნიშნულმა ცვლილებებმა, მნიშვნელოვანად შეამცირა ჰესის შენობის მოწყობისათვის საჭირო სამუშაოების მოცულობები, საშიში გეოდინამიკური პროცესების გააქტიურების რისკები და უზრუნველყოფს ჰესის შენობის ქვათავენისაგან საიმედო დაცვას.

ჰესის საბაზისო პროექტში შეტანილი ცალკეული ცვლილების შესახებ კონკრეტული ინფორმაცია მოცემულია ქვემოთ, ხოლო ჰესის ტექნიკური პარამეტრები საბაზისო პროექტისა და პროექტში შეტანილი ცვლილებების მიხედვით მოცემულია ცხრილში 3.1.1.

ცხრილი 3.1.1. კასლეთი 1 ჰესის ტექნიკური პარამეტრები საბაზისო პროექტის და პროექტში შეტანილი ცვლილებების მიხედვით

პარამეტრი	განზომილება	საბაზისო პროექტის მიხედვით	პროექტში შეტანილი ცვლილების მიხედვით
ჰესის ტიპი	-	ბუნებრივ ჩამონადენზე მომუშავე	ბუნებრივ ჩამონადენზე მომუშავე
დადგმული სიმძლავრე	მგვტ.	7.6	7.2
ელექტროენერგიის წლიური გამომუშავება	გვტ.	43.52	43.52
მიახლოებითი დაწნევა	მ.	300	300
დამბის სიმაღლე	მ.	3.77	3.77
წყალმიღების ნიშნული	მ.ზ.დ.	1350	1350
თევზსავალი	-	საფეხურებიანი	საფეხურებიანი
სალექარის სექციების რაოდენობა	ერთ	2	2
სალექარის სიგრძე	მ	24.25	24.25
სალექარის სექციების საერთო სიგრძე	მ	48.5	48.5
სადაწნეო მილსადენის სიგრძე	მ.	2055	2055
სადაწნეო მილსადენის დიამეტრი	მმ.	1100	1000
სადაწნეო მილსადენის კედლის სისქე	მმ.	10 მმ	10
სადაწნეო მილსადენის გამტარუნარიანობა	მ³/წმ	3.0	3.0
ჰესის შენობის ტიპი	-	ნახევრად მიწისქვეშა	მიწისზედა
ჰესის შენობის განთავსების ნიშნული	მ.ზ.დ.	1050	1050
ჰესის შენობის ზომები	მ	27 x 13 x 11,6	24 x 12 X 11.6
ტურბინების რაოდენობა	ერთ.	2	2
ტურბინების ტიპი	-	პელტონი, ვერტიკალურ ღერძზე	პელტონი, ვერტიკალურ ღერძზე
ტურბინების მაქსიმალური სიმძლავრე	მგვტ.	2 x 3.83	2 x 3.83
ტურბინის ნომინალური სიმძლავრე	მგვტ.	2 x 3.56	2 x 3.56
ტურბინების ხარჯი	მ³/წმ	2 x 1.50	2 x 1.50
გენერატორების რაოდენობა	ერთ.	2	2
გენერატორების სიმძლავრე	კვა	2 x 4.700	4.412


ქვესადგურის ტიპი	-	დახურული (მოეწეობა ჰესის შენობაში)	დახურული მოეწეობა ჰესის შენობის მიმდებარეობაში
ელექტროენერგიის გადამცემი ხაზი	კვ	35	35

3.2. ჰესის სათავე ნაგებობის პროექტში შეტანილი ცვლილებები

ჰესის პროექტის ოპტიმიზაციის პროცესში მიზანშეწონილად ჩაითალა სათავე ნაგებობების ადგილმდებარეობის მცირე ცვლილება, კერძოდ: დღეისათვის სათავე ნაგებობა განთავსებულია მდინარის მარცხენა სანაპიროს მხარეს დაახლოებით 15 მ-ის დაცილებით თავდაპირველი პროექტით განსაზღვრული ადგილიდან. პროექტში შეტანილი ცვლილებით სათავე ნაგებობის განთავსების ნიშნული არ არის შეცვლილი.

სათავე ნაგებობის განთავსების სქემა საბაზისო პროექტის და პროექტში შეტანილი ცვლილებების მიხედვით მოცემულია სურათზე 3.2.1.

სურათი 3.2.1. სათავე ნაგებობის განთავსების სქემა საბაზისო პროექტის და პროექტში შეტანილი ცვლილებების მიხედვით




პროექტში შეტანილი ცვლილების მიხედვით, უქმი წყალსაგდები დამბის სიგრძე შეადგენს 19.95 მ-ს, ხოლო სიმაღლე 3.77 მ. წყალდება გათვალისწინებულია გვერდითი წყალმიმღების საშუალებით. წყალმიმღები აღჭურვილი იქნება ნაგავდამჭერი გისოსით. წყალმიმღებიდან წყალი მიეწოდება 24.25 მ სიგრძის ორ სექციას სალექარს. სალექარის ძირის დახრილობა შეადგენს 5%-ს. სალექარის ნალექისაგან გაწმენდა მოხდება პერიოდულად ნალექის დაგროვების შესაბამისად. რეცხვის პროცესში ერთი სექცია მუშაობს, ხოლო მეორე სექცია ირეცხება.

სალექარიდან გაწმენდილი წყალი მიეწოდება ავანკამერას და შემდეგ სადაწნეო მილსადენს.


საინჟინრო-გეოლოგიური კვლევის შედეგების მიხედვით, სათავე ნაგებობის დაფუძნებული იქნება კლდოვან ქანებზე და შესაბამისად საბაზისო პროექტთან შედარებით საშიში გეოდინამიკური პროცესების გააქტიურების რისკების ზრდას ადგილი არ ექნება.

სათავე ნაგებობის გეგმა და ჭრილი მოცემულია ნახაზებზე 3.2.1. და 3.2.2.

ნახაზი 3.2.1. სათავე წაგებობის გეგმა



ნახაზი 3.2.2. სათავე ნაგებობის ჭრილი



თევზსავალი: საბაზისო პროექტის მიხედვით როგორც მე-2 პარაგრაფშია მოცემული, სათავე ნაგებობაზე გათვალისწინებულია ე.წ. კიბისებური (აუზებიანი) თევზსავალის მოწყობა, მდინარის მარცხენა სანაპიროს მხარეს. პროექტში შეტანილი ცვლილებების მიხედვითაც დაგეგმილია კიბისებური თევზსავალის მოწყობა, მაგრამ მდინარის მარჯვენა სანაპიროს მხარეს წყალმიმღების სიახლოვეს, რაც მნიშვნელოვანია თევზსავალის მუშაობის ეფექტურობის ამაღლების მიზნით, კერძოდ: ჰესის წყალმიმღების მოპირდაპირე ნაპირის მხარეს (მარცხენა ნაპირი) წყალმცირობის პერიოდში ხშირ შემთხვევაში არ არის საკმარისი წყლის დონე და გართულებულია თევზსავალის ნორმალურ რეჟიმში მუშაობა. თევზსავალის წყალმიმღების მხარეს მოწყობის შემთხვევაში კი ეს პრობლემა პრაქტიკულად არ არსებობს.


თევზსავალის საფეხურებს შორის სიმაღლეთა სხვაობა შეადგენს 0.2 მ-ს, რაც სრულიად საკმარისია მდ. კასლეთის საპროექტო მონაკვეთზე გავრცელებული იქთიოფაუნის ერთადერთი სახეობის ნაკადულის კალმახის შეუფერხებელი გადაადგილებისათვის.

თევზსავალის ადგილმდებარეობის ცვლილებიდან გამომდინარე მცირედით შეიცვალა ზოგიერთი პარამეტრი, კერძოდ: თევზსავალის სრული სიგრძე ნაცვლად 22.5 მ-სა შეადგენს 25.73 მ-ს, ხოლო საფეხურების რაოდენობა ნაცვლად 10-სა იქნება 11. შეცვლილი არ არის საფეხურების სიგრძე და სიგანე და როგორც საბაზისო პროექტშია მოცემული თითოეული საფეხურის სიგრძე შეადგენს 2.5 მ, ხოლო სიგანე 1.5 მ-ს.

თევზსავალის ჭრილი მოცემულია ნახაზზე 3.2.3.

ყოველივე ზემოთ აღნიშნულიდან გამომდინარე შეილება ითქვას, რომ პროექტში შეტანილი ცვლილების მიხედვით, შეცვლილია სათავე ნაგებობის კონფიგურაცია, გადაწყეულია მდინარის მარცხენა სანაპიროს მხარეს და შეცვლილია თევზსავალის ადგილმდებარეობა მარცხენა სანაპიროს ნაცვლად მოწყობილია წყალმიმღების გვერდით. სათავე ნაგებობის პარამეტრების სხვა მნიშვნელოვან ცვლილებას ადგილი არ აქვს.

ნახაზი 3.2.3. თევზსაგაღის გრძივი ჭრილის, მ 1:100



3.3. ჰესის ძალური კვანძის პროექტში შეტანილი ცვლილებები

როგორც მე-2 პარაგრაფშია მოცემული, საბაზისო პროექტის მიხედვით გათვალისწინებული იყო ნახევრად მიწისქვეშა ჰესის შენობის მოწყობა, ხოლო ქვესადგური განთავსებული იქნებოდა ჰესის შენობაში. პროექტში შეტანილი ცვლილების მიხედვით მოწყობილია მიწისზედა ჰესის შენობა, ხოლო ქვესადგურის განთავსებისათვის ჰესის შენობაზე მოწყობილია მიშენება. გარდა აღნიშნულისა ჰესის შენობასა და მიმდებარე კლდოვან ფერდობს შორის მოწყობილია რკინა ბეტონის დამცავი კედელი.

როგორც აღინიშნა საბაზისო პროექტის მიხედვით გათვალისწინებული იყო ნახევრად მიწისქვეშა ჰესის შენობის მოწყობას, კერძოდ: ჰესის შენობის ნაწილი განთავსებული იქნებოდა მიმდებარე კლდოვანი ფერდობის შიგნით რისთვისაც საჭირო იქნებოდა კლდოვანი ფერდობის ექსკავაცია, რაც შეიძლება დაკავშირებული ყოფილიყო ფერდობის მდგრადობის დარღვევასთან. ჰესის შენობის მიმდებარე ფერდობზე საშიში გეოლოგიური პროცესების გააქტიურების რისკების შემცირების მიზნით, პროექტის ოპტიმიზაციის პროცესში მიღებული იქნა გადაწყვეტილება მიწისზედა ჰესის შენობის მოწყობის თაობაზე. ჰესის ძალური კვანძის 3D მოდელი მოცემულია სურათზე 3.3.1., ხოლო ძალური კვანძის გეგმა და ჭრილები ნახაზებზე 3.3.1. და 3.3.2. პროექტში შეტანილი ცვლილებების მიხედვით, ჰესის შენობის ზომები შემდეგია სიგრძე 24 მ, სიგანე 12 მ და სიმაღლე 11.6 მ, რაც მცირედით განსხვავდება საბაზისო პროექტით განსაზღვრული პარამეტრებისაგან.

ცვლილების მიხედვით, ჰესის შენობა განთავსებულია კლდოვანი ფერდობის წინ და შენობის უკან მოწყობილია რკინა-ბეტონის დამცავი კედელი. პროექტში შეტანილი ცვლილების მიხედვით, არ იცვლება ტურბინა გენერატორების რაოდენობა და ტიპები. როგორც გზშ-ს ანგარიშშია მოცემული, საბაზისო პროექტის მიხედვით ჰესი შენობაში გათვალისწინებულია პელტონის ტიპის ვერტიკალურ ღერძიანი 2 ერთეული ტურბინის დამონტაჟება, თითოეული სიმძლავრით მაქსიმალური სიმძლავრე 3874.2 კვ. მწარმოებელი კომპანიის ინფორმაციით, ტურბინის ნომინალური დადგმული სიმძლავრე კი შეადგენს 3566.25 კვ-ს. აღნიშნულის გათვალისწინებით ჰესის დადგმულ სიმძლავრედ მიღებულია 7.2 მგვტ, ნაცვლად 7.6 მგვტ-სა. ჰესის მიწერ გამოიმუშავებული ელექტროენერგიის საშუალო წლიური რაოდენობა არ იცვლება და შეადგენს 43.52 გვტ/სთ წელ.


როგორც აღინიშნა, ცვლილების მიხედვით ჰესის ქვესადგური განთავსებულია ჰესის შენობის მიშენებაში და არა ჰესის შენობაში, როგორც ეს საბაზისო პროექტით იყო გათვალისწინებული. ცვლილება არ შეეხება ქვესადგურის ტექნიკურ პარამეტრებს და ძალოვანი ტრანსფორმატორების რაოდენობას, კერძოდ: ქვესადგურში დამონტაჟებული იქნება 35/6.3 კვ ძაბვის 2 ტრანსფორმატორი. ტრანსფორმატორები განთავსებული იქნება ბეტონის ავზებზე, რაც ავარიულად დაღვრის შემთხვევაში გამორიცხავს დაღვრილი ზეთის ტერიტორიაზე გავრცელებას.

ჰესის შენობის უკან დაგეგმილი დამცავი კედლის პროექტის მოკლე აღწერა მოცემულია პარაგრაფში 3.3.1.

სურათი 3.3.1. ჰესის ძალური კვანძის 3D გამოსახულება პროექტში შეტანილი ცვლილების მიხედვით




ნახაზი 3.3.1. ძალური კვანძის გეგმა, მ 1:50




ნახაზი 3.3.2. ჰესის შენობის კრილი

ქრილი A-A



ნახაზი 3.3.3. ტრანსფორმატორების განლაგების სქემა



3.3.1. საყრდენი კედლის პროექტის მოკლე აღწერა

როგორც გზმ-ს ანგარიშშია მოცემული, ჰესის ძალური კვანძის განთავსების ტერიტორიის მიმდებარე კლდოვანო ფერდი ხასიათდება ქვათაცვენის რისკებით. ქვათაცვენის რისკებთან დაკავშირებული ზემოქმედების შემცირების მიზნით, საბაზისო პროექტი ითვალისწინებდა ნახევრად მიწისქვეშა ჰესის შენობის, ხოლო მიმდებარე ფერდობზე ქვათაცვენის საწინააღმდეგო ორმაგი მავთულის ბადის მოწყობას.


აღსანიშნავია, რომ ჰესის შენობის ნაწილის ფერდობის სიღრმეში განთავსებისათვის საჭირო საექსკავაციო სამუშაოების შესრულების დროს, არსებობდა ფერდის მდგრადობის დარღვევის და გეოდინამიკური პროცესების გააქტიურების მაღალი რისკები. ასეთი რისკების პრევენციის მიზნით ეწყობა მიწისზედა ჰესის შენობა, ხოლო ჰესის შენობის უკან მოწყობილია რკინა-ბეტონის საყრდენი კედლი.

პროექტი ითვალისწინებს 12.0 მ სიმაღლის და 33.0 მ სიგრძის რკინა-ბეტონის საყრდენი კედლის მოწყობას. რკინა-ბეტონის კედლის განლაგების სიტუაციური სქემა მოცემულია ნახაზზე 3.3.1.1., საყრდენი კედლის განლაგების გეგმა ნახაზზე 3.3.1.2., ხოლო კედლის ჭრილი ნახაზზე 3.3.1.3.


საყრდენი კედელი დაფუძნებულია კლდოვან ქანებში, საყრდენ კედელსა და მიმდებარე კლდოვან ფერდობს შორის მოქცეული არეალი შევსებულია ადგილობრივი გრუნტით, ხოლო კედლის უკან მოწყობილია რკინა-ბეტონის სადრენაჟო ღარი. როგორც 3.3.1.4. ნახაზზეა მოცემული სადრენაჟო ღარის სიმაღლე შეადგენს 0.5 მ, ხოლო სიგანე ძირზე 1.0 მ.

საყრდენი კედლების ზედაპირები ფერდობის მხრიდან დაფარულია ორმაგი ბიტუმის ჰიდროსაიზოლაციო ფენით.


ნახაზი 3.3.1.1. მონოლითური რკინა-ბეტონის საყრდენი კედლების განლაგების სიტუაციური გეგმა, მ -1:250




ნახაზი 3.3.1.2. საყრდენი კედლის განლაგების გეგმა, მ -1:150



ნახაზი 3.3.1.3. საყრდენი კედლის ჭრილი, მ -1:50



ნახაზი 3.3.1.4. სიმაღლის საყრდენი კედლის ქვაბულის მომზადების ჭრილი. მ - 1:100**3.4. სადაწნეო მილსადენის პროექტში შეტანილი ცვლილებები**

პროექტში შეტანილი ცვლილების მიხედვით, სადაწნეო მილსადენით მდ. კასლეთის გადაკვეთა მოხდება ხიდების საშუალებით, ნაცვლად საბაზისო პროექტით გათვალისწინებული კალაპოტის ქვეშა გადაკვეთისა. გარდა აღნიშნულისა შემცირებულია მილსადენის დიამეტრი, რაც 1100 მმ-სა იქნება 1000 მმ. სადაწნეო მილსადენის სიგრძე და გამტარიანობა არ არის შეცვლილი და შეადგენს შესაბამისად 2055 მ და 3.0 მ³/წმ-ს.

სადაწნეო მილსადენის დიამეტრის შემცირება მოხდა პროექტი ოპტიმიზაციის მიზნით, რადგან 1100 მმ-ის ნაცვლად 1000 მმ დიამეტრის სადაწნეო მილსადენის შემთხვევაში შესაძლებელია საპროექტო 3.0 მ³/წმ ხარჯის გატარება. ამასთანავე მილის დიამეტრის შემცირების შემთხვევაში გარკვეულად მცირდება მიწის სამუშაოების მოცულობები და შესაბამისად გარემოზე ზემოქმედების რისკები.

სადაწნეო მილსადენი მდ. კასლეთს გადაკვეთს 3 წერტილში. საბაზისო პროექტის მიხედვით, მდინარის გადაკვეთა გათვალისწინებული იყო კალაპოტის ქვეშ მოწყობილი ნაგებობით. მიუხედავად იმისა, რომ გათვალისწინებული იყო მილსადენის გამაგრება მსხვილი ლოდების გამოყენებით და ბეტონის კონსტრუქციებით, რომელიც ლითონის ხიმინჯებით ჩამაგრდებოდა მყარ ქანებში, ხოლო საკუთრივ მილსადენი დამატებით მოეწყობოდა ბეტონის გარსაცმში, მდინარეში მაქსიმალური ხარჯების გავლის შემთხვევაში მაინც არსებობდა მილსადენის დაზიანების გარკვეული რისკები. მიუხედავად იმისა, რომ გზმ-ს მიხედვით დაგეგმილია შესაბამისი შემარბილებელი ღონისძიებების განხორციელება, მდინარის კალაპოტში დაგეგმილი

სამუშაოების შესრულება მნიშვნელოვან ნეგატიურ ზემოქმედებას მოახდენს წყლის ბიოლოგიურ გარემოზე.

გამომდინარე იქედან, რომ კასლეთი 1 ჰესის პროექტის მიზნებისათვის განხორციელებულია მდ. კასლეთზე არსებული საავტომობილო ხიდების ნაცვლად ახალი ხიდების მოწყობის სამუშაოები, მიღებული იქნა გადაწყვეტილება სადაწნეო მილსადენის ხიდების საშუალებით გატარების თაობაზე, კერძოდ: მილსადენი განთავსებულია ხიდის ბურჯებზე სავალი ნაწილის ქვედა მხარეს. მდინარის გადაკვეთის მონაკვეთების გეოგრაფიული კოორდინატები მოცემულია ცხრილში 3.4.1., ხოლო GIS კოორდინატები shp ფაილების სახით თან ერთვის სკრინინგის ანგარიშს.

ცხრილი 3.4.1. მდინარის გადაკვეთის წერტილების გეოგრაფიული კოორდინატები

N	მდინარის გადაკვეთა	გეოგრაფიული კოორდინატები		წერტილი მდებარეობა
		X	Y	
1	N1 გადაკვეთა	275423	4757661	მარცხენა ნაპირი
		275429	4757668	მარჯვენა ნაპირი
		274796	4757712	მარცხენა ნაპირი
2	N2 გადაკვეთა	274791	4757720	მარჯვენა ნაპირი
		274604	4757805	მარცხენა ნაპირი
3	N3 გადაკვეთა	274611	4757810	მარჯვენა ნაპირი

ახალი ხიდების პროექტი დამუშავებულია საქართველოში მოქმედი სამშენებლო ნორმების შესაბამისად, რომლის თანახმადაც საანგარიშო დატვირთვად მიღებულია 40 ტ. სამშენებლო სამუშაოების პროექტის შესადგენად გამოყენებულია ადრე შესრულებული საინჟინრო-გეოდეზიური და საინჟინრო-გეოლოგიური საკვლევა-ძიებო სამუშაოები, რომლის მიხედვითაც დადგენილია მდინარის ცოცხალი კვეთის პარამეტრები, ჰიდროლოგიური კვლევებით კი, მდინარის საანგარიშო ხარჯი, სიჩქარეები და საანგარიშო ჰორიზონტები.

პროექტის მიხედვით, სადაწნეო მილსადენის განთავსება გათვალისწინებულია სავალი ნაწილის პარალელურად, ხიდის ბურჯებზე მდინარის დინების მიმართულებით.

აღსანიშნავია, რომ გარემოსდაცვითი გადაწყვეტილებით განსაზღვრული ვალდებულების შესრულების მიზნით, ხიდების პროექტები შეთანხმებულია სსიპ გარემოს ეროვნულ სააგენტოსთან, ქვემოთ მოცემულია ხიდების პროექტების მოკლე მიმოხილვა და ხიდის ბურჯებზე მილსადენის განთავსების სქემები.

3.4.1. მდინარის გადაკვეთა N1

1 გადაკვეთაზე მოწყობილი ხიდი ერთმალისაა, ჭრილკოჭოვანი, სქემით 1X11.0 მ; გეგმაში ხიდი დაპროექტებულია სწორზე, ხოლო ფასადში 0-°-იან ქანობზე. იგი თითქმის მართობულად კვეთს მდ. კასლეთის კალაპოტს. ხიდის სიმაღლე (მანძილი სავალი ნაწილის ნიშნულიდან დაბალი წყლის დონემდე) შეადგენს 4.3 მ-ს. ხიდის სავალი ნაწილის სიგანეა 3.5 მ. ხიდის მთლიანი სიგრძე შეადგენს 11.7 მ. ხიდს აქვს ორი სანაპირო ბურჯი.

საპროექტო ხიდის მალის ნაშენი და ბურჯები ინდივიდუალური კონსტრუქციისაა. მალის ნაშენად გათვალისწინებულია 11.0 მ სიგრძის ფოლადის კონსტრუქციის ჭრილი სისტემა.

ხიდის სანაპირო N1 და N2 ბურჯები კონსტრუქციული თვალსაზრისით ერთნაირია, მონოლი-
თური რკინაბეტონის კონსტრუქციისაა და შედგება 9.5 მ სიგრძის მძლავრად არმირებული
როსტვერკის, ბურჯის ტანისა და საკარადე კედლისაგან.

საპროექტო ფოლადი მალის ნაშენი განივ კვეთში შედგენილია ორი ცალი 11.0 მ სიგრძის
ფოლადის გრძივი მთავარი ორტესებრი კოჭისაგან. თითოეული მთავარი კოჭის სიმაღლე
მუდმივია მთელ სიგრძეზე და შეადგენს 0.5 მეტრს, ხოლო მათ ღერძებს შორის მანძილი კი - 2.5
მეტრი. მთავარი კოჭის ზედა და ქვედა ჰორიზონტალური ფურცლის ზომამ შეადგინა 200 მმ,
ხოლო სისქემ ზედა და ქვედა ფურცლის სისქემ კი - 16 მმ. მთავარი კოჭის ვერტიკალური
ფურცლის სიმაღლემ შეადგინა 468 მმ, ხოლო სისქემ - 10 მმ.


მალის ნაშენის სავალი ნაწილი დაპროექტებულია ფოლადის N18 ორტესებრი კოჭების
საშუალებით, რომელზეც დამონტაჟებულია ფოლადის 8 მმ სისქის ფურცელი. სავალი ნაწილის
ორტესებრი კოჭები ხიდის გრძივად განლაგებულია 265 მმ-იანი ბიჯით, რომლებიც თავის მხრივ
დაყრდნობილია ხიდის მთავარ კოჭებზე.

ხიდის ფოლადის მთავარი კოჭები მალის განივად ერთმანეთთან დაკავშირებულია გაფოლადის
კონსტრუქციების განივი კავშირების საშუალებით.

ხიდის ბურჯებზე სავალი ნაწილის გვერდით დაგეგმილია სადაწნეო მილსადენის განთავსება
იხილეთ ნახაზი. 3.4.1.1.

ხიდის გეგმა და პროფილი მოცემულია ნახაზებზე 3.4.1.1. და 3.4.1.2.

ნახაზი 3.4.1.1. N1 გადაკვეთის, მ 1:250



3.4.2. მდინარის გადაკვეთა N2

N2 ხიდი რომელზედაც განთავსებულია სადაწნეო მილსადენი ერთმალანია, ჭრილკოჭოვანი, სქემით 1X11.0 მ; გეგმაში ხიდი დაპროექტებულია სწორზე, ხოლო ფასადში 0-°-იან ქანობზე. იგი თითქმის მართობულად კვეთს მდ. კასლეთის კალაპოტს. ხიდის სიმაღლე (მანძილი სავალი ნაწილის ნიშნულიდან დაბალი წყლის დონემდე) შეადგენს 3.7 მ-ს. ხიდის სიგანეა 3.5 მ. ხიდის მთლიანი სიგრძე შეადგენს 11.7 მ. ხიდს აქვს ორი სანაპირო ბურჯი.

საპროექტო ხიდის მალის ნაშენი და ბურჯები ინდივიდუალური კონსტრუქციისაა. მალის ნაშენად გათვალისწინებულია 11.0 მ სიგრძის ფოლადის კონსტრუქციის ჭრილი სისტემა.

ხიდის სანაპირო N1 და N2 ბურჯები კონსტრუქციული თვალსაზრისით ერთნაირია, მონოლითური რკინაბეტონის კონსტრუქციისაა და შედგება 9.5 მ სიგრძის მძლავრად არმირებული როსტვერკის, ბურჯის ტანისა და საკარადე კედლისაგან.

საპროექტო ფოლადი მალის ნაშენი განივ კვეთში შედგენილია ორი ცალი 11,0 მ სიგრძის ფოლადის ორტესებრი გრძივი მთავარი ორტესებრი კოჭისაგან. თითოეული მთავარი კოჭის სიმაღლე მუდმივია მთელ სიგრძეზე და შეადგენს 0.5 მეტრს, ხოლო მათ ღერძებს შორის მანძილი კი - 2.5 მეტრი. მთავარი კოჭის ზედა და ქვედა ჰორიზონტალური ფურცლის ზომამ შეადგინა 200 მმ, ხოლო სისქემ ზედა და ქვედა ფურცლის სისქემ კი - 16 მმ. მთავარი კოჭის ვერტიკალური ფურცლის სიმაღლემ შეადგინა 468 მმ, ხოლო სისქემ - 10 მმ.

მალის ნაშენის სავალი ნაწილი დაპროექტებულია ფოლადის N18 ორტესებრი კოჭების საშუალებით, რომელზეც დამონტაჟებულია ფოლადის 8 მმ სისქის ფურცელი. სავალი ნაწილის ორტესებრი კოჭები ხიდის გრძივად განლაგებულია 265 მმ-იანი ბიჯით, რომლებიც თავის მხრივ დაყრდნობილია ხიდის მთავარ კოჭებზე.


ხიდის ფოლადის მთავარი კოჭები მალის განივად ერთმანეთთან დაკავშირებულია ფოლადის კონსტრუქციების განივი კავშირების საშუალებით.

ხიდის ორივე მხარეს გათვალისწინებულია საყრდენ-სარეგულაციო მონოლითური რკინაბეტონის კონსტრუქციის სხვადასხვა სიმაღლისა და სიგრძის კედლები.


ხიდის ბურჯებზე სავალი ნაწილის გვერდით დაგეგმილია სადაწნეო მილსადენის განთავსება იხილეთ ნახაზი. 3.4.2.1.

ხიდის გეგმა და პროფილი მოცემულია ნახაზებზე 3.4.2.1. და 3.4.2.2.

ნახაზი 3.4.2.1. N2 გადაკვეთის გეგმა, მ 1:250



ნახაზი 3.4.2.2. N2 გადაკვეთის გრძივი პროფილი, მ 1:250



3.4.3. მდინარის გადაკვეთა N3

მესამე გადაკვეთისათვის გამოყენებული ხიდი ერთმალაიანია, ჭრილკოჭოვანი, სქემით 1X11.0 მ; გეგმაში ხიდი დაპროექტებულია სწორზე, ხოლო ფასადში 0-%-იან ქანობზე. იგი თითქმის მართობულად კვეთს მდ. კასლეთის კალაპოტს. ხიდის სიმაღლე (მანძილი სავალი ნაწილის ნიშნულიდან დაბალი წყლის დონემდე) შეადგენს 3.3 მ-ს. ხიდის სიგანეა 3.5 მ. ხიდის მთლიანი სიგრძე შეადგენს 11.7 მ. ხიდს აქვს ორი სანაპირო ბურჯი.

საპროექტო ხიდის მალის ნაშენი და ბურჯები ინდივიდუალური კონსტრუქციისაა. მალის ნაშენად გათვალისწინებულია 11.0 მ სიგრძის ფოლადის კონსტრუქციის ჭრილი სისტემა.

ხიდის სანაპირო N1 და N2 ბურჯები კონსტრუქციული თვალსაზრისით ერთნაირია, მონოლითური რკინაბეტონის კონსტრუქციისაა და შედგება 9.5 მ სიგრძის მძლავრად არმირებული როსტვერკის, ბურჯის ტანისა და საკარადე კედლისაგან.

საპროექტო ფოლადი მალის ნაშენი განივ კვეთში შედგენილია ორი ცალი 11.0 მ სიგრძის ფოლადის ორტესებრი გრძივი მთავარი ორტესებრი კოჭისაგან. თითოეული მთავარი კოჭის სიმაღლე მუდმივია მთელ სიგრძეზე და შეადგენს 0.5 მეტრს, ხოლო მათ ღერძებს შორის მანძილი კი - 2.5 მეტრი. მთავარი კოჭის ზედა და ქვედა ჰორიზონტალური ფურცლის ზომამ შეადგინა 200 მმ, ხოლო სისქემ ზედა და ქვედა ფურცლის სისქემ კი - 16 მმ. მთავარი კოჭის ვერტიკალური ფურცლის სიმაღლემ შეადგინა 468 მმ, ხოლო სისქემ - 10 მმ.

მალის ნაშენის სავალი ნაწილი დაპროექტებულია ფოლადის N18 ორტესებრი კოჭების საშუალებით, რომელზეც დამონტაჟებულია ფოლადის 8 მმ სისქის ფურცელი. სავალი ნაწილის ორტესებრი კოჭები ხიდის გრძივად განლაგებულია 265 მმ-იანი ბიჯით, რომლებიც თავის მხრივ დაყრდნობილია ხიდის მთავარ კოჭებზე.


ხიდის ფოლადის მთავარი კოჭები მალის განივად ერთმანეთთან დაკავშირება გათვალისწინებულია ფოლადის კონსტრუქციების განივი კავშირების საშუალებით.

ხიდის ორივე მხარეს გათვალისწინებულია საყრდენ-სარეგულაციო მონოლითური რკინაბეტონის კონსტრუქციის სხვადასხვა სიმაღლისა და სიგრძის კედლები.


ხიდის ბურჯებზე სავალი ნაწილის გვერდით დაგეგმილია სადაწნეო მილსადენის განთავსება იხილეთ ნახაზი. 3.4.3.1.

ხიდის გეგმა და პროფილი მოცემულია ნახაზებზე 3.4.3.1. და 3.4.3.2.

ნახაზი 3.4.3.1. N3 გადაკვეთის გეგმა, მ 1:250



ნახაზი 3.4.3.2. N3 გადაკვეთის გრძივი პროფილი, მ 1:250



4 ინფორმაცია სახელმწიფო ტყის ფონდის ტერიტორიაზე საქმიანობის განხორციელებასთან დაკავშირებით სსიპ „ეროვნული სატყეო სააგენტო“-ს შეთანხმების თაობაზე

კასლეთი 1 ჰესის პროექტზე გარემოსდაცვითი გადაწყვეტილების მიღების შემდეგ შპს „კასლეთი 1“-მა უზრუნველყო, ჰესის თავდაპირველი პროექტის გავლენის ზონაში მოქცეული ტერიტორიების სახელმწიფო ტყის ფონდიდან ამორიცხვა, კერძოდ: 2018-2019 წლებში სახელმწიფო ტყის ფონდიდან ამორიცხულია შემდეგი ნაკვეთები:

- 2018 წლის 01 ოქტომბრის N06/19905 (სსიპ ეროვნული სატყეო სააგენტოს რეგისტრაციის წერილი რეგისტრაციის N102186/04., 01.10.2018 წ.) – 32 ჰექტარი;
- 2019 წლის 05 ივნისის N06/7867 (სსიპ ეროვნული სატყეო სააგენტოს რეგისტრაციის N59148/04., 05.06.2019 წ.) - 9 ჰექტარი (42.16.42.713, 42.16.42.714, 42.16.42.716, 42.16.42.779, 42.16.42.707 42.16.42.790, 42.16.42.791, 42.16.42.792, 42.16.42.789);
- 2019 წლის 04 სექტემბრის N06/12408 ((სსიპ ეროვნული სატყეო სააგენტოს რეგისტრაციის N92148/04., 04.09.2019 წ.) – 2 ჰექტარი (42.16.42.718; 42.16.42.035)

ეროვნულ სატყეო სააგენტოსთან შეთანხმების დამადასტურებელი ზემოთ აღნიშნული წერილების ასლები მოცემულია დანართში N4.

სახელმწიფო ტყის ფონდიდან ამორიცხული ტერიტორიებს გაერთიანების შედეგად მინიჭებულია აქვს საკადასტრო კოდი N42.16.42.816.

გამომდინარე აღნიშნულიდან საბაზისო პროექტის მიხედვით განსაზღვრული ტერიტორიები სრულად არის ამორიცხული სახელმწიფო ტყის ფონდიდან და დღეისათვის დარჩენილია მხოლოდ წინმდებარე ანგარიშში განხილული აექსპლუატაციის ცვლილებით განსაზღვრული დამატებითი ტერიტორიების საკითხის გადაწყვეტა, რაზედაც სსიპ ეროვნულ სატყეო სააგენტოში დაწყებულია შეთანხმების პროცედურა. სსიპ ეროვნულ სააგენტოში შესაბამისი დოკუმენტაციის წარდგენის თაობაზე შპს „კასლეთი 1“-ის წერილის ასლი მოცემულია დანართში N5.

5 ექსპლუატაციის პირობების ცვლილებით განსაზღვრული სამუშაოების შესრულება

ჰესის პროექტში შეტანილი ცვლილებები, სამშენებლო ინფრასტრუქტურის ცვლილებას არ ითვალისწინებს და სამშენებლო სამუშაოების შესრულება მოხდება გარემოსდაცვითი გადაწყვეტილებით განსაზღვრული პირობების მიხედვით. აქვე უნდა აღინიშნოს, რომ ცვლილებების მიხედვით, გარკვეულად მცირდება შესასრულებელი სამუშაოების მოცულობები, კერძოდ: საჭირო აღარ არის სადაწნეო მილსადენით მდინარის გადაკვეთის წერტილებში მილსადენის კალაპოტის ქვეშ განთავსება, ასევე ნახევრად მიწისქვეშა ჰესის შენობისათვის მიმდებარე კლდოვანი ფერდის ექსკავაციის სამუშაოების შესრულება და სხვა.

როგორც აღინიშნა, გამოყენებული იქნება მხოლოდ გზმ-ს ანგარიშით განსაზღვრული ტექნიკა და სატრანსპორტო საშუალებები და დამატებითი ტექნიკის მობილიზაცია. თუ გავითვალისწინებთ, რომ გარკვეულად მცირდება სამშენებლო სამუშაოების მოცულობები, სამუშაოების შესრულებისათვის დამატებითი პერსონალის გამოყენებას ადგილი არ აქვს.

ჰესის საბაზისო პროექტი წყალმიმღებზე თევზამრიდი დანადგარის მოწყობას არ ითვალისწინებდა, პროექტში შეტანილი ცვლილების მიხედვით კი, გათვალისწინებულია ელექტროიმპულსური თევზამრიდი დანადგარის მოწყობა, რაც სამშენებლო სამუშაოების შესრულებას არ საჭიროებს და შესრულებული იქნება მხოლოდ დანადგარის სამონტაჟო სამუშაოები.

პროექტში შეტანილი ცვლილებების მიხედვით გათვალისწინებულია 1 ახალი ნაგებობის, ჰესის შენობის მიმდებარე ფერდობის წინ რკინა-ბეტონის საყრდენი კედლის მოწყობა, მაგრამ თუ

გავითალისწინებთ, რომ საჭირო არ იქნება ჰესის შენობისათვის კლდოვანი ფერდობს ექსკავაცია, არ მოხდება მდინარის გადაკვეთის სამ წერტილში მილსადენის მდინარის კალაპოტის ქვეშ განთავსება, სამშენებლო სამუშაოების მოცულობების ზრდას ადგილი არ ექნება.

მნიშვნელოვანია ის ფაქტი, რომ ექსპლუატაციის პირობების ცვლილებით გათვალისწინებული სამუშაოების შესრულება ახალი გზების მოწყობას არ საჭიროებს და გამოყენებულია არსებული მისასვლელი გზები.

როგორც ზემოთ აღინიშნა, დაგეგმილი ცვლილებების შესრულებისათვის, გარდა პროექტის მიზნებისათვის გამოყენებული ტექნიკისა დამატებითი ტექნიკის მობილიზაცია საჭიროებას არ წარმადგენს.

პროექტში შეტანილი ცვლილებებით გათვალისწინებული ყველა სამუშაო შესრულებული იქნა თავდაპირველი პროექტისათვის დადგენილი სამუშაო გრაფიკით განსაზღვრულ ვადებში.

მართალია საბაზისო პროექტში შეტანილი ცვლილებების მიხედვით, გარკვეულად გაზრდილია პროექტის გავლენის ზონაში მოქცეული ტერიტორიის ფართობი, მაგრამ სადაწნეო მილსადენის დერეფნის ოპტიმიზაციის შედეგად მნიშვნელოვანად შემცირდა შესასრულებელი სამუშაოების მოცულობები, გეოლოგიურ გარემოზე ზემოქმედების რისკები და ჭრას დაქვემდებარებული ხე მცენარეების რაოდენობა.

როგორც აღინიშნა, ადგილი არ აქვს შესასრულებელი სამუშაოების მოცულობების ზრდას და სამუშაოების შესრულების ვადების გახანგრძლივებას. ცვლილებთან დაკავშირებით საჭირო არ არის დამატებითი ტექნიკის და სატრანსპორტო საშუალებების გამოყენება.

გარემოზე ზემოქმედების რისკების შემცირების მიზნით, მშენებლობის მთელი პერიოდის განმავლობაში სისტემატურად წარმოებს გზმ-ს ანგარიშში მოცემული შემარბილებელი ღონისძიებების შესრულებაზე ზედამხედველობა.

6 ინფორმაცია საქმიანობის განსახორციელებელი ადგილის შესახებ - გარემოს ფონური მდგომარეობა და ზემოქმედების რისკები

5.1. ზემოქმედება ატმოსფერული ჰაერის ხარისხზე და აკუსტიკურ ფონზე

როგორც წინამდებარე ანგარიშშია მოცემული, „კასლეთი 1 ჰესი“-ს პროექტში შეტანილი ცვლილებების განხორციელება ხდება საბაზისო პროექტით გათვალისწინებული სამშენებლო ტექნიკის გამოყენებით და დამატებითი ტექნიკის გამოყენება საჭირო არ არის.

თუ გავითვალისწინებთ, რომ პროექტში შეტანილი ცვლილებები ჰესის თავდაპირველი პროექტით განსაზღვრული სამუშაოების მოცულობების ზრდასთან დაკავშირებული არ არის, ატმოსფერული ჰაერის ხარისხზე და აკუსტიკურ ფონზე ზემოქმედების რისკების ზრდას ადგილი არ აქვს. როგორც აღინიშნა, სამუშაოების შესრულებისათვის დამატებითი სამშენებლო ტექნიკის და სატრანსპორტო საშუალებების გამოყენება საჭიროებას არ წარმოადგენს.

ასევე მნიშვნელოვანია, რომ ადგილი არ აქვს შესასრულებელი სამუშაოს ხასიათის და პირობების ცვლილებას და შესაბამისად არ იცვლება გაფრქვეული მავნე ნივთიერებების სახეები (წვის პროდუქტები და მტვერი) და ინტენსივობა. შესაბამისად უახლოესი საცხოვრებელი ზონების საზღვარებზე მავნე ნივთიერებათა ზენორმატიული გავრცელების რისკი მინიმალურია.

როგორც აღინიშნა, პროექტში შეტანილი ცვლილებები მათი შესრულების ტექნოლოგიური პირობების ცვლილებას არ ითვალისწინებს და გამოყენებულია მხოლოდ ის ტექნიკა და სატრანსპორტო საშუალებები, რაც გათვალისწინებულია საბაზისო პროექტით. აღნიშნულის და საპროექტო დერეფნის უახლოესი საცხოვრებელი ზონებიდან დაცილების მანძილის გათვალისწინებით ხმაურის გავრცელებასთან დაკავშირებით ზემოქმედების რისკები მინიმალურია.

დასკვნის სახით შეიძლება ითქვას, რომ პროექტში შეტანილი ცვლილებები ატმოსფერული ჰაერის ხარისხზე და აკუსტიკურ ფონზე ზემოქმედება არ არის გზმ-ს ანგარიშით განსაზღვრულზე მაღალი.

5.2. ბიოლოგიურ გარემოზე ზემოქმედება


ფლორაზე და ჰაბიტატებზე ზემოქმედების შეფასება: პროექტში შეტანილი ცვლილებით განსაზღვრულ საპროექტო დერეფანში ჩატარებული კვლევის შედეგების მიხედვით, საპროექტო დერეფანი მიუყვება მდ. კასლეთის ხეობაში გამავალ მეორად გრუნტის გზას. მდინარე კასლეთი გაედინება ვიწრო, კლდოვან ხეობაში. ხეობის ფერდობებზე ტყის ხშირი საფარია განვითარებული. საპროექტო არეალში ჭარბობს მუქწიწვოვან-ფართოფოთლოვანი ტყეები, სადაც თანადომინირებენ აღმოსავლური ნაძვი (*Picea orientalis*) კავკასიური სოჭი (*Abies nordmanni*), წიფელი (*Fagus orientalis*). შერეულია მურყანი (*Alnus glutinosa subsp. barbata*), თელა (*Ulmus elliptica*), მთის ნეკერჩხალი (*Acer pseudoplatanus*), ლეკა (*Acer platanoides*), ცაცხვი (*Tilia begoniifolia*) და სხვ. მდინარის და ღელების სიახლოვეს, ფერდობებზე ხშირია მონოდომინანტური მურყნარები (*Alnus glutinosa subsp. barbata*) მაღალბალახოვანი საფრით. ცალკეულ მონაკვეთებზე წარმოდგენილია კლდოვანი გამიშვლებები, სადაც სპეციფიკური ფიტოცენოზებია განვითარებული. მცირე ფართობებზე ასევე ვრცელდება ნატყევარზე განვითარებული მეორადი მდელოები, სადაც გვიმრები დომინირებენ.

საპროექტო დერეფანში წარმოდგენილი ლანდშაფტები და მცენარეულობა ევროპის ბუნების ინფორმაციული სისტემის (European Nature Information System), EUNIS-ის ჰაბიტატების კლასიფიკაციის მიხედვით კლასიფიცირდება შემდეგი ტიპის ჰაბიტატებად (იხ. რუკა):

- **G4.6 - შერეული სოჭნარ - ნაძვნარ - წიფლნარი ტყეები:** ტყეები, სადაც ევროპული წიფელი - *Fagus sylvatica* (დასავლეთ და ცენტრალური ევროპის შემთხვევაში), ან წიფლის სხვა სახეობები, მათ შორის აღმოსავლური წიფელი - *Fagus orientalis* (სამხრეთ-აღმოსავლეთ ევროპა, პონტოური აზია) (G1.6) შერეულია სოჭის - (*Abies spp.*) და ნაძვის - (*Picea spp.*) სახეობებთან (G3.1). ზოგჯერ ემატება სხვა წიწვოვანებიც, მაგ. ფიჭვი - *Pinus spp.* დამახასიათებელია ტაიგის ზონის სამხრეთით არსებული ძირითადი ევროპული მთიანი მასივების მთის ტყის სარტყლებისთვის.
- **G1.B - მურყნარი ტყეები:** ჭალის ზონის გარეთ არსებული ტყეები მურყნის სახეობების (*Alnus spp.*) დომინირებით, სადაც ნიადაგი არ არის დაჭაობებული.
- **E5 - ტყისპირები, ახობები და მაღალბალახოვანი ცენოზები:** მაღალბალახეულობა და გვიმრიანები, რომლებიც ვითარდებიან მიტოვებულ ურბანულ ან სასოფლო-სამეურნეო მიწებზე, წყლის პირებზე, ტყის განაპირას და სამოვრებზე.
- **H3.6 - ნაშალი კლდეები და კლდოვანი გამიშვლებები:** კლდეები და კლდოვანი გამიშვლებები, სადაც პიონერული მცენარეული თანასაზოგადოებები სახლობენ, განსაკუთრებით ჭარბობენ მსუქანასებრნი (*Crassulaceae*). სუბსტრატი მეტწილად სილიკატურია, უმეტესად გავრცელებულია ნემორალური ზონის ალპურ და მაღალმთის სარტყლებში. მცენარეულ თანასაზოგადოებებში დომინირებს სუკულენტი სახეობები - *Sempervivum arachnoideum ssp. arachnoideum*, *Sempervivum arachnoideum ssp. tomentosum*, *Sempervivum montanum ssp. montanum*, *Sempervivum montanum ssp. stiriacum*, *Sempervivum wulfenii*, *Jovibarba arenaria*, *Sedum montanum*, *Sedum anglicum ssp. pyrenaicum*, *Sedum sexangulare*, *Sedum album*, *Sedum annuum*, *Saxifraga aspera*, რომელთაც ერევათ სხვა ბალახოვნები - *Silene rupestris*, *Scleranthus polycarpus*, *Veronica fruticans*, *Thymus praecox ssp. polytrichus*, *Viola tricolor ssp. Saxatilis*, ასევე მცირე ჯვაროსნები, ხავსები და ლიქენები.

- **C2.2 - მუდმივი, მიქცევა-მოქცევისგან დამოუკიდებელი, სწრაფი, ტურბულენტური დინებები:** იგულისხმება სწრაფი დინების მქონე მდინარეები, ნაკადულები, მდინარის ტოტები, ჩქერები, ჩანჩქერები, ჭორომები, კასკადები, რომლებიც ხასიათდებიან კლდოვანი, ლოდნარი და ხრეშიანი კალაპოტებით, იშვიათად გვხვდება ქვიშორობი ან სილიანი მეჩქრებიც. ჰაბიტატისთვის დამახასიათებელია სპეციფიკური ცხოველური და მიკროსკოპული პელაგიური წყალმცენარეებისა და ბენტოსის თანასაზოგადოებები.
- **C2.1 - წყაროები, ნაკადულები და გეიზერები:** იგულისხმება წყაროები და ნაკადულები, სადაც სახლობენ სპეციფიკურ მიკროკლიმატურ პირობებზე და ჰიდროლოგიურ რეჟიმზე დამოკიდებული ცხოველური და მცენარეული თანასაზოგადოებები.

რუკა: ჰაბიტატების მიახლოებითი განაწილება საპროექტო დერეფანში და მიმდებარედ



ზემოთ აღნიშნული ჰაბიტატებიდან ორი ჰაბიტატი წარმოდგენს ევროპული გარემოსდაცვითი კანონმდებლობის ინტერესს.

- **C2.1 - წყაროები, ნაკადულები და გეიზერები:** შეესაბამება/ემთხვევა ევროკავშირის ჰაბიტატების დირექტივით დაცული ჰაბიტატების კატეგორიებს
- **C2.2 - მუდმივი, მიქცევა-მოქცევისგან დამოუკიდებელი, სწრაფი, ტურბულენტური დინებები:** შეესაბამება/ემთხვევა ევროკავშირის ჰაბიტატების დირექტივით დაცული ჰაბიტატების კატეგორიებს.

რაც შეეხება საქართველოს წითელ ნუსხაში შეტანილ მცენარეთა სახეობებს, კვლევის შედეგების მიხედვით საპროექტო დერეფანში დაფიქსირებული არ არის.

აღსანიშნავია, რომ პროექტის გავლენის ზონაში მოქცეულ სახელმწიფო ტყის ფონდის ტერიტორიებზე ჩატარებულია ჭრას დაქვემდებარებული ხე მცენარეების დეტალური კვლევა და მასალები თან ერთვის სკრინინგის ანგარიშს.

ჰესის მშენებლობის ფაზაზე ფლორაზე და ჰაბიტატებზე პირდაპირი ზემოქმედების რისკებიდან აღსანიშნავია:

- ჰაბიტატის მუდმივი დანაკარგი სათავე ნაგებობისა და ძალური კვანძის განთავსების ტერიტორიებზე;
- მოსალოდნელია ჰაბიტატების ფრაგმენტაცია;
- დეტალური სამშენებლო პროექტის მიხედვით, სადაწნო მილსადენის განთავსება დაგეგმილია არსებული გზის დერეფანში და შესაბამისად მიმდებარე ფერდობების მცენარეულ საფარზე ზემოქმედების რისკი არ არის მაღალი.

არაპირდაპირი ზემოქმედების რისკებიდან აღსანიშნავია, ტერიტორიის რუდერალიზაცია, რასაც შედეგად მოყვება სარეველა და არა-ადგილობრივი (მათ შორის ინვაზიური) მცენარეების გავრცელება. ამასთანავე, მცენარეული საფარის დესტრუქციამ შესაძლოა ხელი შეუწყოს ფიტო და ენტო მავნებლების (პარაზიტი სოკოები, მწერები) გავრცელებას.

ფლორაზე და ჰაბიტატებზე ზემოქმედების რისკების მინიმუმამდე შემცირება შესაძლებელი იქნება შესაბამისი შემარბილებელი ღონისძიებების გატარების და მონიტორინგის პირობებში.

ზემოქმედება ფაუნაზე: სავსე კვლევების და არსებული სამეცნიერო ლიტერატურული ინფორმაციის დამუშავების შედეგად საპროექტო დერეფანში და მის მიმდებარე ადგილებში გამოვლენილია ძუძუმწოვრების 30-ზე მეტი, ხელფრთიანების 20-მდე, ფრინველების 90-მდე, ქვეწარმავლების და ამფიბიების 15-მდე, მოლუსკების და სხვადასხვა სახის უხერხემლოების 500-ზე მეტი სახეობა.

პროექტის განხორციელების რაიონში ბინადრობს საქართველოს წითელ ნუსხაში შეტანილი ძუძუმწოვრების შემდეგი სახეობები მურა დათვი (*Ursus arctos*), ფოცხვერი (*Lynx lynx*), კავკასიური ციყვი (*Sciurus anomalus*), არჩვი (*Rupicapra rupicapra*), წავი (*Lutra lutra*).

ლიტერატურულ წყაროებზე დაყრდნობით და სავსე კვლევის მიხედვით, საპროექტო და მის მიმდებარე ტერიტორიებზე შესაძლოა მოხვდეს ხელფრთიანთა 17 სახეობა. საქართველოს წითელი ნუსხით დაცული სახეობებიდან გვხვდება სამხრეთული ცხვირნალა (*Rhinolophus euryale*) და ევროპული მაჩქათელა (*Barbastella barbastellus*). საერთაშორისო ხელშეკრულებებით დაცული სახეობებიდან აღსანიშნავია: ჩვეულებრივი ფრთაგრძელი *Miniopterus schreibersii* [IUCN-ის სტატუსი NT], გიგანტური მელამურა *Nyctalus lasiopterus* [IUCN-ის სტატუსი VU], მხოლოდ ევროპის მასშტაბით: წვეტყურა მდამიობი (*Myotis blythii*), მცირე ცხვირნალა (*Rhinolophus hipposideros*) და დიდი ცხვირნალა (*Rhinolophus ferrumequinum*) IUCN-[Global-LC, Europe-NT].

ფრინველების დაცული სახეობებიდან საპროექტო ტერიტორიაზე ხვდება: ქორცქვიტა (ან შავთვალა მიმინო, ლევანმიმინო) (*Accipiter brevipes*), ველის (ან გრძელფეხა) კაკაჩა (*Buteo rufinus*), ველის არწივი (*Aquila nipalensis*) და ჩვ. გვრიტი (*Streptopelia turtur*). წითელ ნუსხაში შეტანილი ქვეწარმავლების სახეობებიდან საპროექტო რეგიონში მხოლოდ კავკასიური გველგესლა (*Vipera kaznakovi*) გვხვდება, მაგრამ უშუალოდ პროექტის გავლენის ზონაში არსებული ჰაბიტატების უმრავლესობა არ შეესაბამება კავკასიური გველგესლასთვის საბინადროდ ხელსაყრელ ჰაბიტატს, აქ მეტწილად წარმოდგენილია მოდიფიცირებული ჰაბიტატები. იქთიოფაუნის სახეობებიდან მდ. კასლეთის საპროექტო მონაკვეთზე გავრცელებულია მხოლოდ საქართველოს წითელ ნუსხაში შეტანილი ერთი სახეობა ნაკადულის კალმახი (*Salmo trutta morfa fario Linnaes, 1758.*).

მართალია, საპროექტო რაიონში მობინადრე ფაუნის უმეტესი ნაწილი წარმოდგენილია ძირითადად ჩვეულებრივი, ფართოდ გავრცელებული და მრავალრიცხოვანი სახეობებით, მაგრამ არსებულ ჰაბიტატებში მუდმივად ბინადრობს ან სეზონურად შემოდის დაცული, გადაშენების გზაზე მყოფი და იშვიათი სახეობების გარკვეული რაოდენობა, შესაბამისად არ არის გამორიცხული მათზე და ფაუნის სხვა სახეობებზე უარყოფითი ზემოქმედება.

კვლევის შედეგების მიხედვით, საპროექტო დერეფანში განსაკუთრებით სენსიტიური უბნები არ გამოიკვეთა. საპროექტო ტერიტორიებზე და მის შემოგარენში გავრცელებულ სახეობებზე ზემოქმედება დაკავშირებული იქნება სამუშაოების წარმოების პროცესში ხმაურთან, ვიბრაციასთან, წყლის დონისა და სიმღვრივის ცვლილებასთან და ა.შ. პირდაპირი ფიზიკური ზემოქმედება ნაკლებსავარაუდოა.

ცხოველთა სამყაროზე გავლენის შესაძლებლობის და მნიშვნელოვნების მიხედვით ტერიტორია შესაძლებელია შეფასდეს, როგორც საშუალო სენსიტიურობის მქონე, ისეთი დაცული სახეობისთვის, როგორიც არის წავი და დაბალი სენსიტიურობის მქონე სხვა სახეობებისთვის.

როგორც აღინიშნა, პროექტის მიხედვით დაგეგმილია მდ. კასლეთზე არსებული ხიდების რეკონსტრუქციის სამუშაოების შესრულება, რაც წავზე და წყლის ბიოლოგიურ გარემოზე გარკვეულ ზემოქმედებასთან იქნება დაკავშირებული, მაგრამ უნდა აღინიშნოს, რომ ზემოქმედება არ იქნება მაღალი, კერძოდ: ხიდების რეკონსტრუქციის პროცესში, უშუალოდ მდინარის კალაპოტში სამუშაოების შესრულება საჭირო არ იქნება, რადგან ხიდების რეკონსტრუქციის პროექტის მიხედვით, საჭირო იქნება მხოლოდ სანაპირო ბურჯების მოწყობა, საპროექტო კვეთებში მდინარის კალაპოტის მცირე სიგანის გათვალისწინებით, ხოლო ბურჯების მოწყობის სამუშაოები შესრულებული იქნება წყალმცირობის პერიოდში, რაც ამცირებს წყლის ხარისხზე ზემოქმედების რისკებს. ხიდების რეკონსტრუქციის პროექტის განხორციელება მდინარის გადაკეტვას (ზღუდარების მოწყობა) არ ითვალისწინებს და შესაბამისად ჰიდროლოგიურ რეჟიმზე ზემოქმედებას ადგილი არ ექნება. მართალია ტექნიკის და ადამიანების კონცენტრაცია გავლენას მოახდენს წავზე და განერიდება სამშენებლო დერეფნის ტერიტორიას, მაგრამ სამუშაოების დამთავრების შედეგ, როცა მოიხსნება ზემოქმედების ფაქტორები, კვლავ გამოიყენებს მდინარის საპროექტო მონაკვეთს.

პროექტში შეტანილი ცვლილების მიხედვით, სადაწნეო მილსადენით მდინარის გადაკვეთა, ნაცვლად კალაპიტის ქვეშა მოწყობილი ნაგებობისა, მოხდება საპროექტო ხიდების საშუალებით, რაც მნიშვნელოვნად ამცირებს მდინარის კალაპოტში შესასრულებელი სამუშაოების მოცულობებს (კალაპოტში შესრულებული მხოლოდ სათავე ნაგებობის სამშენებლო სამუშაოები) და შესაბამისად წყლის ბიოლოგიურ გარემოზე ზემოქმედების რისკები. იქითიფაუნაზე ზემოქმედების შემცირების თვალსაზრისით მნიშვნელოვანია, რომ წყალმომღვრეზე მოეწყობა თევზამრედი ნაგებობა, რაც საბაზისო პროექტით არ იყო გათვალისწინებული.

ფაუნაზე ზემოქმედების თავიდან აცილების, შერბილებისთვის მიმდინარე აქტივობების დროს დაცული უნდა იყოს სამუშაო უბნების და სამოდრაო გზების საზღვრები. აუცილებელი იქნება ჰაერის (მტვერი, გამონახოლქვი), ნიადაგის და წყლის გარემოზე ზემოქმედების თავიდან აცილების/შერბილებისთვის განსაზღვრული ღონისძიებების ზედმიწევნით შესრულება, მონიტორინგის და მოთხოვნების შესრულებაზე კონტროლის წარმოება.

ყოველივე ზემოთ აღნიშნულიდან გამომდინარე შეიძლება ითქვას, რომ პროექტში შეტანილი ცვლილებები ბიოლოგიურ გარემოზე მაღალი ზემოქმედება მოსალოდნელი არ არის. პროექტის გავლენის ზონაში ძირითადად მოქცეულია არსებული საავტომობილო გზის ანთროპოგენური დატვირთვის მქონე დერეფანი და მიმდებარე ფერდობები.

მოსალოდნელი ზემოქმედების რისკების შემცირების მიზნით დამატებითი შემარბილებელი ღონისძიებების დაგეგმვა და განხორციელება საჭიროებას არ წარმოადგენს. ზემოქმედების მინიმუმადე შემცირება შესაძლებელი იქნება გზმ-ს ანგარიშში მოცემული შემარბილებელი ღონისძიებების განხორციელების და მონიტორინგის პირობებში.

5.3. ზემოქმედება წყლის გარემოზე

როგორც წინამდებარე ანგარიშშია მოცემული, ექსპლუატაციის პირობების ცვლილებით გათვალისწინებული სამუშაოები შესრულებულია თავდაპირველი პროექტით გათვალისწინებული სამშენებლო ინფრასტრუქტურის გამოყენებით.

ცვლილებებით გათვალისწინებული სამუშაოების შესრულების პროცესში, წყლის გარემოზე ზემოქმედების თვალსაზრისით, საყურადღებოა სათავე ნაგებობების პროექტში შეტანილი ცვლილებები, მაგრამ თუ გავითვალისწინებთ, რომ შესასრულებელი სამუშაოების მოცულობების მნიშვნელოვან ცვლილებას ადგილი არ აქვს და შესაბამისად ზემოქმედების ხანგრძლივობის და ხარისხის ზრდას ადგილი არ ექნება.

წყლის გარემოზე ზემოქმედების თვალსაზრისით, განსაკუთრებით აღსანიშნავია სადაწნეო მილსადენით მდინარის გადაკვეთების პროექტში შეტანილი ცვლილებები. როგორც ზემოთ აღინიშნა, პროექტში შეტანილი ცვლილებების მიხედვით, სადაწნეო მილსადენით მდინარის გადაკვეთა მოხდება ძირითადი პროექტით გათვალისწინებული ხიდების ბურჯებზე და არა მდინარის კალაპოტის ქვეშ მოწყობილი კონსტრუქციის საშუალებით. თუ გავითვალისწინებთ, რომ სადაწნეო მილსადენის მდინარის კალაპოტში განთავსება დაკავშირებული იქნებოდა მდინარის წყლის ხარისხზე მნიშვნელოვან ზემოქმედებასთან, პროექტში შეტანილი ცვლილება ერთერთ გარემოსდაცვით ღონისძიებად უნდა ჩაითალოს.

ძირითადი პროექტით გათვალისწინებული ხიდების მშენებლობის პროცესში, მდინარის კალაპოტში სამუშაოების შესრულება საჭირო არ იქნება, რადგან საპროექტო კვეთებში მდინარის კალაპოტის მცირე სიგანის (10-12 მ) გათვალისწინებით, საჭირო იქნება მხოლოდ სანაპირო ბურჯების მოწყობა. ბურჯების მოწყობის სამუშაოები შესრულებული იქნება წყალმცირობის პერიოდში, რაც ამცირებს წყლის ხარისხზე ზემოქმედების რისკებს. ხიდების რეკონსტრუქციის პროექტის განხორციელება მდინარის გადაკეტვას (ზღუდარების მოწყობა) არ ითვალისწინებს და შესაბამისად ჰიდროლოგიურ რეჟიმზე ზემოქმედებას ადგილი არ ექნება, აღნიშნულიდან გამომდინარე მინიმალური იქნება წყლის ხარისხზე ზემოქმედების რისკი.

როგორც აღინიშნა დაგეგმილი ცვლილებების მიხედვით ადგილი არ ექნება სამშენებლო სამუშაოების მოცულობების ზრდას, არ არის საჭირო დამატებითი ტექნიკის და სატრანსპორტო საშუალებების გამოყენება. ცვლილებებით გათვალისწინებული სამუშაოების შესრულებისათვის დამატებითი პერსონალის გამოყენება საჭირო არ არის და შესაბამისად სასმელ-სამეურნეო მიზნებისათვის გამოყენებული წყლის და წარმოქმნილი საყოფაცხოვრებო ჩამდინარე წყლების რაოდენობების ზრდას ადგილი არ ექნება. დღეისათვის სამშენებლო ბანაკის ტერიტორიაზე წარმოქმნილი საყოფაცხოვრებო ჩამდინარე წყლების მართვა ხდება ჰერმეტიკული სეპტიკური ორმოს საშუალებით და ჩამდინარე წყლების ზედაპირული წყლის ობიექტში ჩაშვებას ადგილი არ აქვს.

აღსანიშნავია, რომ შესაბამისი შემარბილებელი ღონისძიებების გათვალისწინებით, პროექტში შეტანილი ცვლილებების განხორციელება მიწისქვეშა წყლების ხარისხზე და დებეტზე

გამომდინარე აღნიშნულიდან შეიძლება ითქვას, რომ დაგეგმილი საპროექტო ცვლილებები საბაზისო პროექტთან შედარებით წყლის გარემოზე ზემოქმედების რისკების ზრდასთან დაკავშირებული არ იქნება.

5.4. ნარჩენების წარმოქმნასთან დაკავშირებული ზემოქმედება

დაგეგმილი საპროექტო ცვლილებები არ ითვალისწინებს სამუშაოს შესრულების ტექნოლოგიური პირობების და ნაგებობების პარამეტრების მნიშვნელოვან ცვლილებას, ასევე არ შეიცვლება მშენებლობისათვის გამოყენებული ტექნიკის და სატრანსპორტო საშუალებების რაოდენობა და სახეები. შესაბამისად საბაზისო პროექტის განხორციელების შემთხვევაში

მოსალოდნელი ნარჩენების სახეობრივი შემადგენლობის და რაოდენობის მნიშვნელოვან ცვლილებას ადგილი არ აქვს.

როგორც აღინიშნა საპროექტო განხორციელების პროცესში, შესასრულებელი სამუშაოების თავდაპირველი პროექტით გათვალისწინებული მოცულობების მნიშვნელოვან ზრდას ადგილი არ აქვს და ზოგ შემთხვევაში შემცირებულია მიწის სამუშაოების მოცულობები, მაგალითად: ნახევრად მიწისქვეშა ჰესის შენობის ნაცვლად ეწყობა მიწისზედა ჰესის შენობა და მიმდებარე კლდოვანი ფერდობის ექსკავაციის სამუშაოების შესრულება საჭიროებას არ წარმადგენს. აღნიშნულიდან გამომდინარე შემცირებულია ექსკავირებული ფუჭი ქანების რაოდენობა.

მნიშვნელოვანია ასევე, რომ პროექტში შეტანილი ცვლილების განხორციელებისათვის დაგეგმილი სამუშაოები სრულდება პროექტში დასაქმებული პერსონალის გამოყენებით და ამ საქმიანობისათვის დამატებითი პერსონალის აყვანა საჭირო არ არის. შესაბამისად საყოფაცხოვრებო ნარჩენების რაოდენობის ზრდას ადგილი არ აქვს.

კასლეთი 1 ჰესის მშენებლობის პროცესში წარმოქმნილი ნარჩენების მართვა ხორციელდებოდა საქართველოს გარემოს დაცვისა და სოფლის მეურნეობის სამინისტროსთან შეთანხმებული ნარჩენების მართვის გეგმის მიხედვით.

5.5. ზემოქმედება კულტურული მემკვიდრეობის ძეგლებზე

როგორც გზშ-ის ანგარიშშია მოცემული, „კასლეთი 1 ჰესი“-ს პროექტის გავლენის ზონაში ისტორიულ-კულტურულ ან არქეოლოგიური ძეგლები წარმოდგენილი არ არის. პროექტში შეტანილი ყველა ცვლილება განხორციელებულია თავდაპირველი პროექტით განსაზღვრული საპროექტო დერეფნის ფარგლებში ან უშუალოდ მის სიახლოვეს, სადაც მშენებლობის დაწყებამდე ჩატარებულია კულტურული მემკვიდრეობის ძეგლების კვლევა. აქვე უნდა აღინიშნოს, რომ ცვლილებებით გათვალისწინებული სამუშაოების ძირითადი ნაწილი შესრულებულია უკვე ათვისებულ სამშენებლო მოედნებზე, სადაც მიწის სამუშაოები შესრულებულია მშენებლობის პროცესში. აღსანიშნავია, რომ საპროექტო ცვლილებებით გათვალისწინებული სამუშაოების შესრულების დროს არქეოლოგიური ძეგლების ან არტეფაქტების გვიანი აღმოჩენის ფაქტები დაფიქსირებული არ ყოფილა.

გამომდინარე აღნიშნულიდან, ისტორიულ-კულტურულ ან არქეოლოგიური ძეგლებზე ზემოქმედების რისკების ზრდას, საბაზისო პროექტთან შედარებით, ადგილი არ აქვს.

5.6. ტრანსსასაზღვრო ზემოქმედება

საქმიანობის სპეციფიკის და საპროექტო ტერიტორიების ადგილმდებარეობიდან გამომდინარე, ტრანსსასაზღვრო ზემოქმედების რისკი მოსალოდნელი არ არის.

5.7. ზემოქმედება სატრანსპორტო ნაკადებზე

როგორც წინამდებარე ანგარიშშია მოცემული, ჰესის ექსპლუატაციის პირობების ცვლილება სამშენებლო სამუშაოების მოცულობების მნიშვნელოვან ზრდასთან დაკავშირებული არ არის. ამასთანავე ცვლილებების განხორციელებისათვის დამატებითი სამშენებლო ტექნიკა და სატრანსპორტო საშუალებების მობილიზაცია საჭიროებას არ წარმოადგენს. სამშენებლო მასალების ტრანსპორტირებისათვის გამოიყენება ხეობაში არსებული ერთადერთი გზა.

აღნიშნულიდან გამომდინარე ექსპლუატაციის პირობების ცვლილებით გათვალისწინებული სამუშაოების შესრულება სატრანსპორტო ოპერაციების რაოდენობის მნიშვნელოვან ზრდასთან ან სატრანსპორტო მარშრუტების ცვლილებასთან დაკავშირებული არ არის და შესაბამისად

სატრანსპორტო ნაკადებზე ზემოქმედების რისკები საბაზისო პროექტთან შედარებით მნიშვნელოვნად არ იცვლება.

5.8. კუმულაციური ზემოქმედება

როგორც წინამდებარე ანგარიშშია მოცემული კასლეთი 1 ჰესის პროექტში შეტანილი ცვლილებების მიხედვით შესასრულებელი სამუშაოების მოცულობების მნიშვნელოვან ზრდას ადგილი არ აქვს. ცვლილების მიხედვით პროექტიდან ამოღებულია გარკვეული სამუშაოები, კერძოდ: საჭირო არ იქნება სადაწნო მილსადენით მდ. კასლეთის გადაკვეთის სამწერტილში კალაპოტის ქვეშ კონსტრუქციის მოწყობა, რადგან მილსადენი განთავსებული იქნება ძირითადი პროექტით გათვალისწინებული ხიდების ბურჯებზე, საჭირო არ არის ასევე ნახევრად მიწის ქვეშა ჰესი შენობის მოსაწყობად კლდოვანი ფერდობის ექსკავაციის სამუშაოები შესრულება, რადგან ცვლილების მიხედვით ეწყობა მიწისზედა ჰესის შენობა.

აღსანიშნავია, რომ ჰესის მშენებლობის პროცესში სამშენებლო დერეფნების განთავსების არეალში რაიმე სამშენებლო სამუშაოები არ მიმდინარეობდა და შესაბამისად მშენებლობასთან დაკავშირებული კუმულაციური ზემოქმედების რისკების ცვლილება თავდაპირველ პროექტთან შედარებით მოსალოდნელი არ არის.

ექსპლუატაციის ფაზაზე კუმულაციურ ზემოქმედებას ადგილი ექნება მოქმედი კასლეთი 2 ჰესის ექსპლუატაციასთან დაკავშირებით. მოსალოდნელი კუმულაციური ზემოქმედების რისკებიდან აღსანიშნავია: მდ. კასლეთის ჰიდროლოგიურ რეჟიმზე და წყლის ბიოლოგიურ გარემოზე კუმულაციური ზემოქმედება, ასევე მყარი ნატანის ტრანსპორტირების პირობებზე კუმულაციური ზემოქმედება.

ზემოქმედების აღნიშნული სახეები განხილულია გზშ-ს ანგარიშში და ზემოქმედების შემცირება შესაძლებელი იქნება დაგეგმილი შემარბილებელი ღონისძიებების შესრულებაზე სისტემატური ზედამხედველობის პირობებში. ზოგადად უნდა აღინიშნოს, რომ თევზსავალის ადგილმდებარეობის ცვლილება (ცვლილების მიხედვით თევზსავალი განთავსებული იქნება წყალმიდების მიმდებარედ) და თევზამრიდი დანადგარის მოწყობა (რაც არ იყო გათვალისწინებული ძირითად პროექტით) დადებითად აისახება იქთიოფაუნაზე კუმულაციური ზემოქმედების შემცირების თავლსაზრისით.

გამომდინარე აღნიშნულიდან „კასლეთი 1 ჰესი“-ს პროექტში შეტანილი ცვლილებები, კუმულაციური ზემოქმედების რისკების ზრდასთან დაკავშირებული არ არის.

7 გარემოზე შესაძლო ზემოქმედების შედარებითი ანალიზი

საქართველოს კანონის „გარემოსდაცვითი შეფასების კოდექსის“ მიხედვით სკრინინგი არის პროცედურა, რომელიც განსაზღვრავს გარემოზე ზემოქმედების შეფასების ჩატარების საჭიროებას. ამავე კოდექსის მე-7 მუხლის მე-6 ნაწილის მიხედვით, სამინისტრო, იმის თაობაზე, ექვემდებარება თუ არა დაგეგმილი საქმიანობა გზშ-ს, გადაწყვეტილებას იღებს შემდეგი კრიტერიუმების საფუძველზე:

- ა) საქმიანობის მახასიათებლები:
 - ა.ა) საქმიანობის მასშტაბი;
 - ა.ბ) არსებულ საქმიანობასთან ან/და დაგეგმილ საქმიანობასთან კუმულაციური ზემოქმედება;
 - ა.გ) ბუნებრივი რესურსების (განსაკუთრებით – წყლის, ნიადაგის, მიწის, ბიომრავალფეროვნების) გამოყენება;
 - ა.დ) ნარჩენების წარმოქმნა;

- ა.ე) გარემოს დაბინძურება და ხმაური;
- ა.ვ) საქმიანობასთან დაკავშირებული მასშტაბური ავარიის ან/და კატასტროფის რისკი;
- ბ) დაგეგმილი საქმიანობის განხორციელების ადგილი და მისი თავსებადობა:
 - ბ.ა) ჭარბტენიან ტერიტორიასთან;
 - ბ.ბ) შავი ზღვის სანაპირო ზოლთან;
 - ბ.გ) ტყით მჭიდროდ დაფარულ ტერიტორიასთან, სადაც გაბატონებულია საქართველოს „წითელი ნუსხის“ სახეობები;
 - ბ.დ) დაცულ ტერიტორიებთან;
 - ბ.ე) მჭიდროდ დასახლებულ ტერიტორიასთან;
 - ბ.ვ) კულტურული მემკვიდრეობის ძეგლთან და სხვა ობიექტთან;
- გ) საქმიანობის შესაძლო ზემოქმედების ხასიათი:
 - გ.ა) ზემოქმედების ტრანსსასაზღვრო ხასიათი;
 - გ.ბ) ზემოქმედების შესაძლო ხარისხი და კომპლექსურობა.

მე-7 მუხლის მე-6 ნაწილში მოცემული კრიტერიუმების შედარებითი ანალიზი წარმოდგენილია ცხრილის სახით (ცხრილი 7.1).

ცხრილი 7.1. შედარებითი ანალიზი

N	კოდექსის მე-7 მუხლის მე-3 ნაწილში მოცემული კრიტერიუმები	გარემოზე მოსალოდნელი რისკების შეფასება						განმარტება
		უმნიშვნელო	ძალიან დაბალი	დაბალი	საშუალო	მაღალი	ძალიან მაღალი	
1. საქმიანობის მახასიათებლები								
1.1	საქმიანობის მასშტაბი	-	-	+	-	-	-	პროექტში შეტანილი ცვლილებების მიხედვით, შესასრულებელი სამუშაოების მოცულობების მნიშვნელოვან ზრდას ადგილი არ აქვს. ცვლილების მიხედვით პროექტიდან ამოღებულია გარკვეული სამუშაოები, კერძოდ: საჭირო არ იქნება სადაწნეო მილსადენით მდ. კასლეთის გადაკვეთის სამწერტილში მდინარის კალაპოტის ქვეშ კონსტრუქციის მოწყობა, რადგან მილსადენი განთავსებული იქნება ძირითადი პროექტით გათვალისწინებული ხიდების ბურჯებზე, საჭირო არ არის ასევე ნახევრად მიწის ქვეშა ჰესი შენობის მოსაწყობად კლდოვანი ფერდობის ექსკავაციის სამუშაოები შესრულება, რადგან ცვლილების მიხედვით ეწყობა მიწისზედა ჰესის შენობა.
1.2	არსებულ საქმიანობასთან ან/და დაგეგმილ საქმიანობასთან კუმულაციური ზემოქმედება	+	-	-	-	-	-	აღსანიშნავია, რომ ჰესის მშენებლობის პროცესში სამშენებლო დერეფნების განთავსების არეალში რაიმე სამშენებლო სამუშაოები არ მიმდინარეობდა და შესაბამისად მშენებლობასთან დაკავშირებული კუმულაციური ზემოქმედების რისკების ცვლილება თავდაპირველ პროექტთან შედარებით მოსალოდნელი არ არის. ექსპლუატაციის ფაზაზე კუმულაციურ ზემოქმედებას ადგილი ექნება მოქმედი კასლეთი 2 ჰესის ექსპლუატაციასთან დაკავშირებით. მოსალოდნელი კუმულაციური ზემოქმედების რისკებიდან აღსანიშნავია: მდ. კასლეთის ჰიდროლოგიურ რეჟიმზე და წყლის ბიოლოგიურ გარემოზე კუმულაციური

								ზემოქმედება, ასევე მყარი ნატანის ტრანსპორტირების პირობებზე კუმულაციური ზემოქმედება. ზემოქმედების აღნიშნული სახეები განხილულია გზშ-ს ანგარიშში და ზემოქმედების შემცირება შესაძლებელი იქნება დაგეგმილი შემარბილებელი ღონისძიებების შესრულებაზე სისტემატური ზედამხედველობის პირობებში. ზოგადად უნდა აღინიშნოს, რომ თევზსავალის ადგილმდებარეობის ცვლილება (ცვლილების მიხედვით თევზსავალი განთავსებული იქნება წყალმიმდების მიმდებარედ) და თევზამრიდი დანადგარის მოწყობა (რაც არ იყო გათვალისწინებული ძირითად პროექტით) დადებითად აისახება იქთიოფაუნაზე კუმულაციური ზემოქმედების შემცირების თავლსაზრისით. გამომდინარე აღნიშნულიდან „კასლეტი 1 ჰესი“-ს პროექტში შეტანილი ცვლილებები, კუმულაციური ზემოქმედების რისკების ზრდასთან დაკავშირებული არ არის.
1.3	ბუნებრივი რესურსების (განსაკუთრებით - წყლის, ნიადაგის, მიწის, ბიომრავალფეროვნების) გამოყენება	—	-	+	-	-	-	პროექტში შეტანილი ყველა ცვლილება განხორციელებულია თავდაპირველი პროექტით განსაზღვრულ საპროექტო დერეფანში ან უშუალოდ მის სიაღვრეს, ცვლილების მიხედვით დამატებით ათვისებულია 11979 მ² ფართობის ტერიტორია. თუ გავითვალისწინებთ, რომ სადაწნეო მილსადენი განტავსებული იქნება არსებული საავტომობილო გზის დერეფანში, ბიოლოგიურ გარემოზე ზემოქმედების რისკების მნიშვნელოვან ზედას ადგილი არ აქვს. ჩატარებული კვლევის შედეგების მიხედვით, საპროექტო არეალში საქართველოს წითელ ნუსხაში შეტანილი მცენარეთა სახეობები წარმოდგენილი არ არის.

								ექსპლუატაციის ცვლილებით განსაზღვრულ დამატებით ტერიტორიებზე ჭრას დაქვემდებარებული ხე მცნარეების დეტალური კვლევის (ტაქსაციის) შედეგები თან ერთვის სკრინინგის ანგარიშს (იხილეთ დანართი N1). ზოგადად უნდა არინიშნოს, რომ სადაწნეო მილსადენის დერეფნის ოპტიმიზაციის (სადაწნეო მილსადენის განთავება დაგეგმილია უპირატესად არსებული საავტომობილო გზის დერეფნის უშუალო სიახლოვეს) შედეგად გარკვეულად შემცირდა ჭრას დაქვემდებარებული ხე მცნარეების რაოდენობა. როგორც წინამდებარე ანგარიშშია მოცემული, პროექტში შეტანილი ცვლილებები ჰესის მიერ ასაღები წყლის ხარჯის, ასევე ეკოლოგიური ხარჯის ცვლილებას არ ითვალისწინებს. შესაბამისად საბაზისო პროექტთან შედარებით, მდ. კასლეთის ჰიდროლოგიური რეჟიმის ცვლილება მოსალოდნელი არ არის. აღნიშნულიდან გამომდინარე, მოცემული კრიტერიუმებზე პროექტში შეტანილი ცვლილებების განხორციელებასთან დაკავშირებული ზემოქმედება შეიძლება შეფასდეს როგორც დაბალი ზემოქმედება.
1.4	ნარჩენების წარმოქმნა	-	+	-	-	-	-	საპროექტო ცვლილებასთან დაკავშირებით ნარჩენების სახეობრივი შემადგენლობის და რაოდენობის ცვლილება მოსალოდნელი არ არის. ნარჩენების წარმოქმნასთან დაკავშირებული ზემოქმედება საბაზისო პროექტთან შედარებით შეიძლება შეფასდეს როგორც ძალიან დაბალი ზემოქმედება.
1.5	გარემოს დაბინძურება და ხმაური	+	-	-	-	-	-	როგორც წინამდებარე ანგარიშშია მოცემული, პროექტში შეტანილი ცვლილებებით გათვალისწინებული სამუშაოები შესრულებულია თავდაპირველი პროექტით დადგენილ სამშენებლო არეალში და შესაბამისად უახლოესი საცხოვრებელი ზონებიდან დაცილების მანძილების ცვლილებას

								ადგილი არ ქონია. ამასთანავე დაგეგმილი ცვლილებები სამუშაოების მოცულობების მნიშვნელოვან ზრდას ან გამოყენებული ტექნიკის რაოდენობის ცვლილებას არ თვალისწინებს. აღნიშნულის გათვალისწინებით, ატმოსფერული ემისიების, ან ხმაურის გავრცელების დონეების მნიშვნელოვან ზრდას ადგილი არ აქვს. ანალოგიურად შეიძლება ითქვას ნიადაგის და გრუნტის ხარისხზე ზემოქმედებასთან დაკავშირებით. შესაბამისად საბაზისო პროექტთან შედარებით, ზემოქმედება შეიძლება შეფასდეს როგორც უმნიშვნელო.
1.6	საქმიანობასთან დაკავშირებული მასშტაბური ავარიის ან/და კატასტროფის რისკი	+	-	-	-	-	-	პროექტში შეტანილი ცვლილებების მიუხედავად, საქმიანობის განხორციელების პროცესში შესაძლო ავარიების სახეები და მასშტაბები იგივეა, რაც წარმოდგენილი და აღწერილი იყო საბაზო პროექტის გზშ-ს ანგარიშში. ზოგადად შეიძლება ითქვას, რომ „კასლეთი 1 ჰესი“-ს მშენებლობის და ექსპლუატაციის ფაზებზე მასშტაბური ავარიული ინციდენტების ან ბუნებრივი კატასტროფების წარმოქმნის, მათ შორის საშიში გეოდინამიკური პროცესების გააქტიურების რისკები დაბალია.
2. დაგეგმილი საქმიანობის განხორციელების ადგილი და მისი თავსებადობა:								
2.1	ჭარბტენიან ტერიტორიასთან	-	-	-	-	-	-	საპროექტო ტერიტორია არ ესაზღვრება ჭარბტენიან ტერიტორიებს და, შესაბამისად, მათზე ზემოქმედებას ადგილი არ ექნება.
2.2	შავი ზღვის სანაპირო ზოლთან	-	-	-	-	-	-	საპროექტო ტერიტორიის გეოგრაფიული მდებარეობის გათვალისწინებით, შავი ზღვის სანაპირო ზოლთან არავითარ ზემოქმედებას ადგილი არ ექნება.
2.3	ტყით მჭიდროდ დაფარულ	-	-	-	-	-	-	

	ტერიტორიას თან, სადაც გაბატონებულ ია საქართველოს „წითელი ნუსხის“ სახეობები							საპროექტო არეალში ჩატარებული კვლევის შედეგების მიხედვით, საქართველოს წითელ ნუსხაში შეტანილი მცენარეთა სახეობები წარმოდგენილი არ არის.
2.4	დაცულ ტერიტორიებთან	-	-	-	-	-	-	ზურმუხტის ქსელის მიღებული უბნების სვანეთი 2-ის (GE0000045) საზღვრიდან დაცილებულია დაახლოებით 3.0 კმ-ით და ხოლო ზურმუხტის ქსელის მიღებული უბნების სამეგრელოს (GE0000021) საზღვრიდან დაცილებულია 3 კმ-ით. შესაბამისად დაცული ტერიტორიების და ზურმუხტის ქსელის მიღებული უბნების ბიოლოგიურ გარემოზე ზემოქმედება მოსალოდნელი არ არის.
2.5	მჭიდროდ დასახლებულ ტერიტორიასთან	-	-		-	-	-	ჰესის საპროექტო ტერიტორია უახლოესი საცხოვრებელი ზონის საზღვრიდან პირდაპირი მანძილით დაცილებულია 2500 მ-ით.
2.6	კულტურული მემკვიდრეობის ძეგლთან და სხვა ობიექტთან	-	-	-	-	-	-	ლიტერატურული წყაროებისა და სხვა სამუშაოების შედეგების მიხედვით პროექტის გავლენის ზონაში ისტორიულ-კულტურულ ან არქეოლოგიური ძეგლების არსებობა არ ყოფილა დადასტურებული. ჰესის სამშენებლო სამუშაოების, მათ შორის პროექტში შეტანილი ცვლილებების შესრულების პროცესში არქეოლოგიური ძეგლების ან რაიმე არტეფაქტების აღმოჩენას ადგილი არ აქვს.
3. საქმიანობის შესაძლო ზემოქმედების ხასიათი:								
3.1	ზემოქმედების ტრანსსასაზღვრო ხასიათი	-	-	-	-	-	-	საქმიანობა არ ატარებს ტრანს-სასაზღვრო ზემოქმედების ხასიათს.
3.2	ზემოქმედების შესაძლო ხარისხი და კომპლექსურობა	-	-	-	-	-	-	დაგეგმილი საპროექტო ცვლილებები გარემოზე მაღალ ზემოქმედებასთან დაკავშირებული არ არის.

8 მოკლე რეზიუმე

როგორც წინამდებარე ანგარიშშია მოცემული, კასლეთი 1 ჰესის თავდაპირველ პროექტში ცვლილებების შეტანა განპირობებულია მშენებლობის პროცესში გამოვლენილი ფაქტობრივი გარემოებებიდან და პროექტის ოპტიმიზაციის მიზნებიდან გამომდინარე. თევზსავალის ადგიოლმდებარეობის ცვლილება, თევზამრიდი ნაგებობის მოწყობა, სადაწნეო მილსადენით მდინარის კალოტის ქვეშ გადაკვეთის ნაცვლად მილსადენის ხიდის ბურჯებზე განთავსება, ასევე ნახევარად მიწიქვესა ჰესის შენობის ნაცვლად მიწისზედა ჰესის შენობის მოწყობა, ნიშნულგონად შემადგირებს გარემოზე ზემოქმედების რისკებს, მათ შორის წყლის ბიოლოგიურ გარემოზე ზემოქმედების რისკებს.

სადაწნეო მილსადენის დერეფნის ოპტიმიზაციის მიზნით გაზრდილია პროექტის გავლენის ზონაში მოქცეული ტერიტორიების ფართობი მაგრამ, მილსადენი განთავსებული იქნება არსებული საავტომობილო გზის დერეფნის უშუალო სიახლოვეს და არა გზის მიმდებარე ფერდობებზე (როგორც ეს თავდაპირველი პროექტით იყო გათვალისწინებული). აღნიშნულის შედეგად გარკვეულად მცირდება გეოლოგიურ გარემოზე ზემოქმედების რისკები და ჭრას დაქვემდებარებული ხე მცენარეების რაოდენობა. აღსანიშნავია, რომ ჩატარებული კვლევის შედეგების მიხედვით, ჰესის პროექტის გავლენის ზონაში საქართველოს წითელ ნუსხაში შეტანილი მცენარეთა სახეობები წარმოდგენილი არ არის.

ზოგადად შეიძლება ითქვას, რომ „კასლეთი 1 ჰესი“-ს პროექტში შეტანილი ცვლილებები ბუნებრივ და სოციალურ გარემოზე ზემოქმედების რისკების მნიშვნელოვან ზრდასთან დაკავშირებული არ იქნება. საპროექტო ცვლილებასთან დაკავშირებული ზემოქმედების რისკები, 6.1 ცხრილში მოცემული კრიტერიუმების მიხედვით, უმეტეს შემთხვევაში ფასდება როგორც უმნიშვნელო და როგორც დაბალი ზემოქმედება, ამიტომ, პროექტის განხორციელება გარემოზე ნეგატიურ ზემოქმედებას არ მოახდენს.

9 დანართები

8.1. დანართი N1 განსაკუთრებული დანიშნულების სპეციალური ტყითარგებლობის მისაღებად საჭირო დოკუმენტაციის პაკეტი

(დოკუმენტაციის ელექტრონული ვერსია თან ერთვის სკრინინგის ანგარიშს)

8.2. დანართი N2. ფუჭი ქანების საანაყარის პროექტის სსიპ გარემოს ეროვნულ სააგენტოთან შეთანხმების წერილი**სსიპ გარემოს ეროვნული სააგენტო**

დავით აღმაშენებლის გამზირი №150
0112 თბილისი, საქართველო
+995 32 2439503 / +995 32 2439510
info@nea.gov.ge
nea.gov.ge

22 აპრილი 2024



N 21/4059

შპს „კასლეთი 1“-ის დირექტორს
ბატონ დავით მირცხულავას

ელ. ფოსტა: info@kasleti1.ge

ასლი: სსდ გარემოსდაცვითი ზედამხედველობის დეპარტამენტს

ბატონო დავით,

თქვენი 2024 წლის 18 მარტის №06/0324 (სააგენტოში რეგისტრაციით №2891) წერილის პასუხად, რომელიც ეხება “მესტიის მუნიციპალიტეტში შპს „კასლეთი 1“-ს „მდ. კასლეთზე 7.6 მგვტ სიმძლავრის ჰესის (კასლეთი 1 ჰესი) მშენებლობასა და ექსპლუატაციაზე გარემოსდაცვითი გადაწყვეტილების გაცემის შესახებ” საქართველოს გარემოს დაცვისა და სოფლის მეურნეობის მინისტრის 2019 წლის 7 თებერვლის №2-120 ბრძანების მე-10 პუნქტით გათვალისწინებული ვალდებულების შესრულების მიზნით და სააგენტოს 2024 წლის 15 თებერვლის №21/1427 წერილის თანახმად განახლებული, 2500 მ³ ფუჭი ქანების №1 საანაყაროს პროექტის სააგენტოში წარმოდგენას, გაცნობებთ, რომ წარმოდგენილი ინფორმაციის/დოკუმენტაციის მიმართ სააგენტოს შენიშვნები არ გააჩნია. ამასთან, საანაყაროს მოწყობა უნდა განხორციელდეს ქვეყანაში მოქმედი სტანდარტების, სამშენებლო ნორმებისა და წესების სრული დაცვით.

დანართის ელ. ვერსია გაგზავნოს სსდ გარემოსდაცვითი ზედამხედველობის დეპარტამენტს

პატივისცემით,

თეიმურაზ მთიელიშვილი

სააგენტოს უფროსი - მ.შ.

სსიპ გარემოს ეროვნული სააგენტო

**8.3. დანართი N3 კასლეთი 1 ჰესის მშენებლობის პროცესში წარმოქმნილი ფუჭი ქანების საანაყაროს სსიპ გარემოს ეროვნულ სააგენტოსთან შეთანხმებული პროექტი**

(პროექტის ელექტრონული ვარსიათა ეროვნული სკოპინგის ანგარიშს)

8.4. დანართი N4: ჰესის თავდაპირველი პროექტის გავლენის ზონაში მოქცეულ ტერიტორიებზე საქმიანობის განხორციელების თაობაზე სსიპ ეროვნულ სატყეო სააგენტოსთან შეთანხმების დამადასტურებელი წერილების ასლები



საჯარო სამართლის იურიდიული პირი ეროვნული სატყეო სააგენტო



KA010141432489118

ეროვნული სატყეო სააგენტო გულუას ქ.№6, 0114, ქ. თბილისი, საქართველო. ტელ.:275-39-59

№ 06/19905

01 / ოქტომბერი / 2018 წ.

სსიპ-სახელმწიფო ქონების ეროვნულ სააგენტოს

ასლი: საქართველოს გარემოს დაცვისა და სოფლის მეურნეობის სამინისტროს

სსიპ-ეროვნულმა სატყეო სააგენტომ განიხილა თქვენი 30.07.2018წ. N5/42779 წერილით წარმოდგენილი შპს „კასლეთი 1“-ის 26.07.2018წ. N01/03 წერილი „სადაც დასმულია საკითხი „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ა.გ.“ ქვეპუნქტის შესაბამისად, „კასლეთი 1“ ჰესის მშენებლობისთვის მესტიის მუნიციპალიტეტში მდებარე 32 ერთეული მიწის ნაკვეთის (საერთო ფართობი 30894 კვ.მ.) სახელმწიფო ტყის ფონდის საზღვრის კორექტირების (ამორიცხვის) შესახებ. წარმოდგენილ საკადასტრო აბოშვით ნახაზებზე მითითებული მიწის ნაკვეთები, „სახელმწიფო ტყის ფონდის საზღვრების დადგენის შესახებ“ საქართველოს მთავრობის 2011 წლის 04 აგვისტოს N299 დადგენილებით დამტკიცებული სახელმწიფო ტყის ფონდის საზღვრების მიხედვით, მდებარეობენ სსიპ-ეროვნული სატყეო სააგენტოს სამეგრელო-ზემო სვანეთის სატყეო სამსახურის ხაიმის სატყეო უბნის ხაიმის სატყეოში, სადაც მერქნული რესურსი აღრიცხულია 306,12 კბმ-ის მოცულობით. გაცხობებთ, რომ „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ა.გ.“ ქვეპუნქტის შესაბამისად, სსიპ-ეროვნული სატყეო სააგენტო არ არის წინააღმდეგი განხორციელდეს ტყის ფონდის საზღვრის კორექტირება 30894 კვ.მ. ფართობით იმ აუცილებელი პირობით, რომ „სახელმწიფო ქონების შესახებ“ საქართველოს კანონის 29¹ მუხლის და „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების მე-12 მუხლის მე-5 პუნქტის მიხედვით, სსიპ-ეროვნული სატყეო სააგენტოს მართვას დაქვემდებარებული სახელმწიფო ტყის ფონდიდან ამორიცხულ ტერიტორიაზე განხორციელებული ჭრების შედეგად მოპოვებული მერქნული რესურსი დაუკორტავი სახით სახეობების მიხედვით დასაწყობდება სსიპ-ეროვნული სატყეო სააგენტოს მიერ მითითებულ ტერიტორიაზე. აქვე დამატებით გაცხობებთ, რომ „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ბ.“ ქვეპუნქტის მიხედვით ტყის ფონდის საზღვრების კორექტირება, ეკოლოგიურ ექსპერტიზას დაქვემდებარებული საქმიანობის შემთხვევაში, შესაძლებელია განხორციელდეს ეკოლოგიური ექსპერტიზის დასკვნის გაცემამდე. ეკოლოგიურ ექსპერტიზას დაქვემდებარებულ საქმიანობაზე უარყოფითი ეკოლოგიური ექსპერტიზის დასკვნის გაცემის ან საქმიანობის სხვა მიზეზით განუხორციელებლობის შემთხვევაში საქართველოს ეკონომიკისა და მდგრადი განვითარების სამინისტრო ვალდებულია, უზრუნველყოს ამორიცხული ფართობ(ებ)ის სახელმწიფო ტყის ფონდში ჩარიცხვა არაუგვიანეს აღნიშნული გარემოების დადგომიდან ერთი წლის განმავლობაში. გთხოვთ, ტყის ფონდის საზღვრის კორექტირების განხორციელების შემთხვევაში მოგვანოდოთ შესაბამისი ინფორმაცია.

დანართი: წარმოდგენილი მასალები.

ეროვნული სატყეო სააგენტოს უფროსი

ხელმოწერა/შტამდასმულია
ელმმართველად



თორნიკე გვაზავა



საჯარო სამართლის იურიდიული პირი ეროვნული სატყეო სააგენტო



KA010104747658719

ეროვნული სატყეო სააგენტო გულუას ქ.№6, 0114, ქ. თბილისი, საქართველო. ტელ.:275-39-59

№ 06/7867

05 / ივნისი / 2019 წ.

სსიპ-სახელმწიფო ქონების ეროვნულ სააგენტოს

ასლი: საქართველოს გარემოს დაცვისა და სოფლის მეურნეობის სამინისტროს

სსიპ-ეროვნულმა სატყეო სააგენტომ განიხილა თქვენი 11.03.2019წ. №6/14346, 22.03.2019წ. №6/17196 და 23.05.2019წ. №6/30553 წერილები, სადაც დასმულია საკითხი „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ა.გ.“ ქვეპუნქტის შესაბამისად, კასლეთი 1 პესის პროექტის განხორციელების მიზნით, მესტიის მუნიციპალიტეტში არსებული 9 ერთეული (მათ შორის 5 ერთეული რეგისტრირებული მიწის ნაკვეთი - საკადასტრო კოდი:42.16.42.713 42.16.42.714 42.16.42.716 42.16.42.779 42.16.42.707 და 4 ერთეული დაურეგისტრირებელი) მიწის ნაკვეთის ტყის ფონდის საზღვრების კორექტირების (ამორიცხვა) და სახელმწიფო საკუთრებად რეგისტრაციის შესახებ, შემდგომში შპს „კასლეთი 1“-ს მიერ პრივატიზების მიზნით.

დაინტერესებაში არსებული მიწის ნაკვეთები, საერთო ფართობით 4025 კვ.მ. (სადაც მერქნული რესურსი აღრიცხულია 22,67 კმმ), „სახელმწიფო ტყის ფონდის საზღვრების დადგენის შესახებ“ საქართველოს მთავრობის 2010 წლის 13 აგვისტოს N240 დადგენილებით დამტკიცებული სახელმწიფო ტყის ფონდის საზღვრების მიხედვით, მდებარეობენ სსიპ-ეროვნული სატყეო სააგენტოს სამეგრელო-ზემო სვანეთის სატყეო სამსახურის ხაიმის სატყეო უბნის ხაიმის სატყეოში.

გაცნობებთ, რომ „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ა.გ.“ ქვეპუნქტის შესაბამისად, სსიპ-ეროვნული სატყეო სააგენტო კომპეტენციის ფარგლებში არ არის წინააღმდეგი განხორციელდეს კანონმდებლობის შესაბამისად ტყის ფონდის საზღვრის კორექტირება 4025 კვ.მ.

ფართობით იმ აუცილებელი პირობით, რომ „სახელმწიფო ქონების შესახებ“ საქართველოს კანონის 29¹ მუხლის და „ტყითარებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების მე-12 მუხლის მე-5 პუნქტის მიხედვით, სსიპ-ეროვნული სატყეო სააგენტოს მართვას დაქვემდებარებული სახელმწიფო ტყის ფონდიდან ამორიცხულ ტერიტორიაზე განხორციელებული ღრების შედეგად მოპოვებული მერქნული რესურსი დაუკოტრავი სახით სახეობების მიხედვით დასაწყობდება სსიპ-ეროვნული სატყეო სააგენტოს მიერ მითითებულ ტერიტორიაზე.

აქვე დამატებით გაცნობებთ, რომ „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ა.გ.“ ქვეპუნქტის მიხედვით ტყის ფონდის საზღვრების კორექტირება, ეკოლოგიურ ექსპერტიზას დაქვემდებარებული საქმიანობის შემთხვევაში, შესაძლებელია განხორციელდეს ეკოლოგიური ექსპერტიზის დასკვნის გაცემამდე. ეკოლოგიურ ექსპერტიზას დაქვემდებარებულ საქმიანობაზე უარყოფითი ეკოლოგიური ექსპერტიზის დასკვნის გაცემის ან საქმიანობის სხვა მიზეზით განხორციელებლობის შემთხვევაში საქართველოს ეკონომიკისა და მდგრადი განვითარების სამინისტრო ვალდებულია, უზრუნველყოს ამორიცხული ფართობ(ებ)ის სახელმწიფო ტყის ფონდში ჩარიცხვა არაუგვიანეს აღნიშნული გარემოების დადგომიდან ერთი წლის განმავლობაში.

გთხოვთ, ტყის ფონდის საზღვრის კორექტირების განხორციელების შემთხვევაში მოგვანოლოთ შესაბამისი ინფორმაცია.

დანართი: წარმოდგენილი მასალები.

ეროვნული სატყეო სააგენტოს უფროსი

ხელმოწერა/ მტკიცება
ელმმართველად



არჩილ ნიკოლეიშვილი



**საჯარო სამართლის იურიდიული პირი
ეროვნული სატყეო სააგენტო**



KA010128309447919

ქ. თბილისი, 0114, გ. გულუას ქ N6, ტელ: +995 (32) 2753959

№ 06/12408

04 / სექტემბერი / 2019 წ.

სსიპ-სახელმწიფო ქონების ეროვნულ
სააგენტოსასლი: საქართველოს გარემოს დაცვისა და
სოფლის მეურნეობის სამინისტროს

სსიპ-ეროვნულმა სატყეო სააგენტომ განიხილა თქვენი 18.07.2019წ. N6/42932 და 03.09.2019წ. N6/52128 წერილები, სადაც დასმულია საკითხი "სახელმწიფო ტყის ფონდის საზღვრის დადგენის წესის შესახებ" საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის "ა.გ." ქვეპუნქტის შესაბამისად, კასლეთი 1 ჰესის პროექტის განხორციელების მიზნით (კასლეთი 1 ჰესის ინფრასტრუქტურის, კერძოდ ჰესის შენობასთან დამაკავშირებელი სააგრეგატო მილის და წყალმიმღების მშენებლობისთვის) N42.16.42.718 საკადასტრო კოდით რეგისტრირებული 43 კვ.მ. და N42.16.42.035 საკადასტრო კოდით რეგისტრირებული 78 კვ.მ. მიწის ნაკვეთების სახელმწიფო ტყის ფონდის საზღვრის კორექტირების (ამორიცხვის) შესახებ.

დაინტერესებაში არსებული მიწის ნაკვეთები (სადაც მერქნული რესურსი არ არის), „სახელმწიფო ტყის ფონდის საზღვრების დადგენის შესახებ“ საქართველოს მთავრობის 2011 წლის 04 აგვისტოს N299 დადგენილებით დამტკიცებული სახელმწიფო ტყის ფონდის საზღვრების მიხედვით, მდებარეობენ სსიპ-ეროვნული სატყეო სააგენტოს სამეგრელო-ზემო სვანეთის სატყეო სამსახურის ხაიშის სატყეო უბნის ხაიშის სატყეოში.

გაცნობებთ, რომ "სახელმწიფო ტყის ფონდის საზღვრების დადგენის შესახებ" საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის "ა.გ." ქვეპუნქტის შესაბამისად, სსიპ-ეროვნულ სატყეო სააგენტოს, კომპეტენციის ფარგლებში, შესაძლებლად მიაჩნია კანონმდებლობის შესაბამისად განხორციელდეს სახელმწიფო ტყის ფონდის საზღვრის კორექტირება 43 კვ.მ.(ს/კ N42.16.42.718) და 78 კვ.მ. (ს/კ N42.16.42.035) მიწის ნაკვეთებით.

აქვე დამატებით გაცნობებთ, რომ ტყის ფონდიდან ფართობის ამორიცხვის შემთხვევაში დაცული უნდა იყოს „სახელმწიფო ტყის ფონდის საზღვრის დადგენის წესის შესახებ“ საქართველოს მთავრობის 2010 წლის 13 აგვისტოს N240 დადგენილების მე-4 მუხლის მე-5 პუნქტის „ზ“ ქვეპუნქტის მოთხოვნები.

გთხოვთ, ტყის ფონდის საზღვრის კორექტირების განხორციელების შემთხვევაში მოგვანოდოთ შესაბამისი ინფორმაცია.

დანართი: წარმოდგენილი მასალები.

ეროვნული სატყეო სააგენტოს უფროსი

ხელმოწერილია/
შტამპდასმულია
ელემენტურულად



არჩილ ნიკოლეიშვილი

8.5. დანართი N5: შპს „კასლეთი 1“-ს წერილი ექსპლუატაციის პირობების ცვლილებასთან დაკავშირებით, პროექტის გავლენის ზონაში მოქცეულ სახემწიფო ტყის ფონდის ტერიტორიებზე საქმიანობის განხორციელების უფლების მიღების თაობაზე



03.06.2025
02/0625

სსიპ ეროვნული სატყეო სააგენტოს უფროსს
ბატონ კახა ცერცვაძეს

ՆԱԽԴՐԱԿ

გაცნობებთ რომ, საქართველოს გარემოს დაცვისა და სოფლის მეურნეობის მინისტრის N2-120 ბრძანების შესაბამისად, სამეგრელო-ზემო სვანეთის სატყეო სამსახურის, ზაიშის სატყეო უბნის, ზაიშის სატყეოს ტერიტორიიდან ამორიცხულ და მასზე აღნაგობის წესით გადაცემულ მიწის ნაკვეთზე (საკადასტრო კოდი N42.16.42.816), მპს „კასლეთი 1“ ახორციელებს „კასლეთი 1“ ჰესის მშენებლობას.

კომპანიას დაგეგმილი აქვს სამშენებლო პროექტი ცვლილების შეტანა, რაც დამატებითი ტერიტორიის ათვისებას მოითხოვს. ცვლილებების საფუძველზე მომზადებული გარემოსდაცვითი სკრინინგის დოკუმენტი წარედგინა გარემოს ეროვნულ სააგენტოს შესათანხმებლად.

ყოველივე ზემოაღნიშნულიდან გამომდინარე და საქართველოს მთავრობის 2021 წლის 18 მაისის N221 დადგენილების „ტყითსარგებლობის წესის შესახებ“ მოთხოვნათა შესაბამისად, მოგმართავთ თხოვნით, რათა წერილზე თანდართული აზომვით ნახაზებზე დატანილ სახელმწიფო ტყის ტერიტორიის ფარგლებში მოქცეულ ფართობზე (საერთო ფართობი 7343 მ²) კასლეთი 1 ჰესის მშენებლობის მიზნით შპს „კასლეთი 1“-ს მიენიჭოს განსაკუთრებული დანიშნულებით ტყით სპეციალური სარგებლობის უფლება 49 წლის ვადით ხე-ტყის ჭრის უფლებით (საერთო მოცულობით 6,99 მ³).

აქვე გაცნობებთ, რომ ჩვენ მიერ მითხოვნილი ფართობებიდან 5364 მ² წაწილობრივ ზედებაშია სახელმწიფო ტყედ რეგისტრირებულ შემდეგ ნაკვეთებზე: 42.16.42.717 (1 კვ.მ.) ; 42.16.42.940 (41 კვ.მ.); 42.16.42.950 (403 კვ.მ.); 42.16.42.959 (241 კვ.მ.); 42.16.42.960 (47 კვ.მ.); 42.16.42.961 (530 კვ.მ.); 42.16.42.076 (208 კვ.მ.); 42.16.42.941 (219 კვ.მ.); 42.16.42.949 (38 კვ.მ.); 42.16.42.957 (318 კვ.მ.); 42.16.42.958 (313 კვ.მ.); 42.16.42.959 (262 კვ.მ.), 42.16.42.948. (2743 კვ.მ.) ამასთანავე 42.16.42.710 (180 კვ.მ.); 42.16.42.955 (180 კვ.მ.); და 42.16.42.033 (180 კვ.მ.); საკადასტრო კოდებით რეგისტრირებული ნაკვეთები (ჯამში 1595 კვ.მ.) მთლიანად ექვეა ჩვენ მიერ შერჩეულ სამშენებლო ბუფერში.

გაცნობებთ, რომ ჩვენს მიერ მოთხოვნილ ფართობებზე არ ფიქსირდება 30° და მეტი დაქანების ფერდობები და წითელ ნუსხაში შეტანილი სახეობები.


ასევე გთხოვთ გამოგვიყოთ უფლებამოსილი პირი, რომელიც უზრუნველყოფს ხე-ტყის წარმოშობის დოკუმენტის გაწერას.



დანართი CD დისკზე:

- ტყეკაფის ადრიცხვის მასალები;
- შერჩეული ფართობის დაზუსტებული აზომვითი ნახაზები UTM კოორდინატთა სისტემაში;
- ამონაწერი საჯარო რეესტრიდან;
- ბრძანება N2-120 (გარემოსდაცვითი გადაწყვეტილება)

პატივისცემით,



შპს „კასლეთი 1“-ის დირექტორი
დავით მირცხულავა

8.6. დანართი N6 ინფორმაცია სსიპ გარემოს ეროვნული სააგენტოს 2025 წლის 22 მაისის N21/4898 წერილში მოცემულ შენიშვნებზე რეაგირების შესახებ

N	შენიშვნის შინაარსი	რეაგირება შენიშვნაზე
1	სკრინინგის განცხადების თანახმად, ექსპლუატაციის პირობების ცვლილებით ჰესის შენობასთან დაგეგმილია 12.0 მ სიმაღლის და 33.0 მ სიგრძის რკინა-ბეტონის საყრდენი კედლის მოწყობა, რაც არ შეესაბამება თანდართულ shp ფაილებს, სადაც ასახულია ორი დამცავი კედელი და ბადე. შესაბამისად, ჰესის შენობასთან ექსპლუატაციის პირობების ცვლილებით გათვალისწინებული საყრდენი კედლ(ებ)ის და დამცავი ბადის შესახებ წარმოდგენილი ინფორმაცია საჭიროებს დაზუსტებას. ამასთან, shp ფაილებში წარმოდგენილი დამცავი კედელი ნაწილობრივ ზედდება ჰესის შენობასთან, რაც საჭიროებს კორექტირებას. გარდა ამისა, სსიპ გარემოსდაცვითი ზედამხედველობის დეპარტამენტის უფროსის 2024 წლის 7 აგვისტოს NDES4240000378 ბრძანების საფუძველზე განხორციელებული ინსპექტირებით დადგინდა, რომ ქვათაცვენის პრევენციის მიზნით, ჰესის შენობასთან გზმ-ის ანგარიშით გათვალისწინებული მაღალი ხარისხის ფოლადის ბადის ნაცვლად, მოწყობილია ბეტონის კედელი. შესაბამისად, ზემოაღნიშნულ საკითხთან დაკავშირებით, სკრინინგის განცხადებაში მოცემული ინფორმაცია უნდა ასახავდეს ფაქტობრივ მდგომარეობას;	გათვალისწინებულია: სკრინინგის ანგარიშზე თანდართულ shp ფაილებში გაპარული იყო უზუსტობა, კერძოდ: მოცემული იყო დამცავი ნაგებობების პროექტის ძველი ვერსია. შესწორებული shp ფაილები თან რთვის ანგარიშს.
2	ცხრილ 3.1.1-ში და 3.3 თავში აღნიშნულია, რომ ექსპლუატაციის პირობების ცვლილებით გათვალისწინებულია ჰესის შენობის ზომების ცვლილება, ხოლო ამავე თავში ასევე მითითებულია, რომ პროექტში შეტანილი ცვლილება არ ითვალისწინებს ჰესის შენობის ზომების ცვლილებას. შესაბამისად, აღნიშნული საკითხი საჭიროებს დაზუსტებას. ამასთან, ვინაიდან, ექსპლუატაციის პირობების ცვლილებით ასევე გათვალისწინებულია ქვესადგურის განთავსების ადგილის ცვლილება, წარმოდგენილ shp ფაილებში ასევე ასახული უნდა იყოს ქვესადგურის განთავსების ადგილი.	გათვალისწინებულია: იხილეთ პარაგრაფი 3.1. და პარაგრაფი 3.3.
3	ცხრილი 3.1.1-ში მითითებულია, რომ სალექარის პარამეტრები რჩება უცვლელი და მოეწყობა ჯამურად 48,5 მ სიგრძის ორსექციანი სალექარი, ხოლო 3.2 თავში აღნიშნულია, რომ წყალმიღებიდან წყალი მიეწოდება 24.45 მ სიგრძის ორსექციიან სალექარს. შესაბამისად, 22 მაისი 2025 N 21/4898 დაზუსტებას საჭიროებს სალექარის პარამეტრები, სექციების მითითებით. ამასთან, ვინაიდან, ექსპლუატაციის პირობების ცვლილებით ასევე გათვალისწინებულია სათავე ნაგებობის და მისი შემადგენელი ინფრასტრუქტურული ობიექტების ადგილმდებარეობის ცვლილება, სკრინინგის განცხადებაში წარმოდგენილი	გათვალისწინებულია: იხილეთ პარაგრაფი 3.1. და პარაგრაფი 3.2. ჰესის პროექტში შეტანილი ცვლილებების მიხედვით, სალექარის პარამეტრების ცვლილებას ადგილი არ აქვს. სალექარი შედგება 2 სექციისაგან, სიგრძით 24.25 მ (ორივე სექციის საერთო სიგრძეა 48.5 მ როგორც ეს თავდაპირველი პროექტის გზმ-ს ანგარიშშია მოცემული).

	უნდა იყოს აღნიშნული ინფრასტრუქტურული ობიექტების შედარებითი ანალიზი, გზშ-ის ანგარიშთან მიმართებით;	
4	სკრინინგის განცხადების თანახმად, გზშ-ის ანგარიშით წყალმიმღებზე თევზამრიდის მოწყობა გათვალისწინებული არ არის. თუმცა, გზშ-ის ანგარიშის 5.7.4.2 ქვეთავში მითითებულია, რომ „წყალმიმღებზე თევზამრიდის განთავსებისათვის რეკომენდაციას ვუწევთ ეარლიფტის მეთოდზე დაფუძნებულ კონსტრუქციას, რომელიც საკმაოდ ეფექტურია და ამასთანავე არ იქნება დაკავშირებული მნიშვნელოვან ხარჯებთან“, ხოლო გზშ-ის ანგარიშის 5.7.4.3.1 ქვეთავში განხილულია შემოთავაზებული თევზამრიდი ნაგებობა (ეარლიფტის მეთოდზე დაფუძნებულ კონსტრუქცი). შესაბამისად, ვინაიდან, ექსპლუატაციის პირობების ცვლილებით გათვალისწინებულია გზშ-ის ანგარიშში განხილული თევზამრიდის ცვლილება, დოკუმენტში წარმოდგენილი უნდა იყოს გზშ-ის ანგარიშით განსაზღვრული (ეარლიფტის მეთოდზე დაფუძნებულ კონსტრუქცია) და ექსპლუატაციის პირობების ცვლილებით გათვალისწინებული (ელექტროიმპულსური) თევზამრიდების შედარებითი ანალიზი;	გათვალისწინებულია: ექსპლუატაციის პირობების ცვლილებით თევზამრიდი დანადგარის ცვლილება გათვალისწინებული არ არის წყალმიმღებზე მოწყობილი იქნება ეარლიფტის პრინციპზე დაფუძნებული სისტემა.
5	სკრინინგის განცხადების თანახმად, „გამომდინარე იქიდან, რომ კასლეთი 1 ჰესის პროექტის მიზნებისათვის ხორციელდება მდ. კასლეთზე არსებული საავტომობილო ხიდების ნაცვლად ახალი ხიდების მოწყობის სამუშაოები, მიღებული იქნა გადაწყვეტილება სადაწნო მილსადენის ხიდების საშუალებით გატარების თაობაზე“. ამასთან, 3.4.1, 3.4.2 და 3.4.3 ქვეთავებში წარმოდგენილია ინფორმაცია აღნიშნული ხიდების შესახებ. აღსანიშნავია, რომ 2019 წლის 7 თებერვალს გაცემული გარემოსდაცვითი გადაწყვეტილების (ბრძანება №2-120) მე-8 პირობის თანახმად: შპს „კასლეთი 1“-მა ჰესის მშენებლობის დაწყებამდე უნდა უზრუნველყოს პროექტის ფარგლებში სარეაბილიტაციო გზების მონაკვეთების, ხიდების, დამცავი კედლების, ნაპირსამაგრი სამუშაოების დეტალური პროექტების შემუშავება და კანონმდებლობით დადგენილი წესით განსახილველად წარმოდგენა, shp ფაილებთან ერთად. ვინაიდან, მითითებული პირობის შესრულების მიზნით, სააგენტოსთან შეთანხმებულია ხიდების დეტალური პროექტები, დაზუსტებას საჭიროებს ხიდებთან დაკავშირებული ინფორმაციის ექსპლუატაციის პირობების ცვლილებაზე წარმოდგენილ სკრინინგის განცხადებაში ასახვის საჭიროება. იმ შემთხვევაში, თუ ექსპლუატაციის პირობების ცვლილება ითვალისწინებს სააგენტოსთან შეთანხმებული ხიდების დეტალური პროექტების ცვლილებას, წარმოდგენილი უნდა იყოს დაგეგმილი ცვლილების შესახებ ინფორმაცია და აღნიშნული ცვლილებების შედარებითი ანალიზი;	როგორც სკრინინგის ანგარიშშია მოცემული, სადაწნო მილსადენით მდინარის გადაკვეთა ხდება საავტომობილო ხიდების საშუალებით, კერძოდ: მდინარის გადაკვეთა ნაცვლად მდინარის კალაპოტის ქვეშ მოწყობილი კონსტრუქციისა, ხდება ხიდის ბურჯების საშუალებით. აღნიშნულის გათვალისწინებით, სადაწნო მილსადენით მდინარის გადაკვეთის აღწერისათვის აუცილებლად მიგვაჩნია, სააგენტოსთან შეთანხმებული ხიდების პროექტების მოკლე მიმოხილვის სკრინინგის ანგარიშში ასახვა, შესაბამისი სქემებით.

6	სკრინინგის განცხადების თანახმად, ექსპლუატაციის პირობების ცვლილებით შემცირებულია ექსკავირებული ფუჭი ქანების რაოდენობა, თუმცა, არ არის მოცემული შედარებითი ანალიზი საბაზისო პროექტთან მიმართებით. ამასთან, სკრინინგის განცხადებას თან ერთვის გზშ-ის ანგარიშში მითითებული 3 სანაყაროს shp ფაილები, რომლებიც სსიპ ეროვნული სატყეო სააგენტოს ინფორმაციით ხვდება სახელმწიფო ტყეში. აღსანიშნავია, რომ კომპანიის მიერ 2024 წლის 22 აპრილს სააგენტოსთან შეთანხმებულია №1 ფუჭი ქანების სანაყაროს დეტალური პროექტი, რომელიც არ ხვდება სახელმწიფო ტყეში. შესაბამისად, გაუგებარია 3 სანაყაროს გზშ-ის ანგარიშში მითითებული shp ფაილების წარმოდგენის საჭიროება, ასევე, გაუგებარია ექსპლუატაციის პირობების ცვლილებით გათვალისწინებულია თუ არა სააგენტოსთან შეთანხმებული №1 ფუჭი ქანების სანაყაროს შეთანხმებული პროექტის ცვლილება. გარდა ამისა, ვინაიდან, ექსპლუატაციის პირობების ცვლილებით შემცირდა ექსკავირებული ფუჭი ქანების რაოდენობა, ხოლო გარემოსდაცვითი გადაწყვეტილების მე-10 პირობა ითვალისწინებს ფუჭი ქანების სანაყაროების დეტალური პროექტების shp ფაილებთან ერთად წარმოდგენას, დაზუსტებას საჭიროებს პროექტის ფარგლებში მოსაწყობი ფუჭი ქანების სანაყაროების ჯამური რაოდენობა და განსათავსებელი ფუჭი ქანების მოცულობა. იმ შემთხვევაში, თუ დამატებით საჭიროა გზშ-ის ანგარიშით განსაზღვრული ფუჭი ქანების სანაყაროების მოწყობა, სააგენტოში გარემოსდაცვითი გადაწყვეტილების მე-10 პირობის შესრულების მიზნით, წარმოდგენილი უნდა იყოს აღნიშნული სანაყაროების დეტალური პროექტები, shp ფაილებთან ერთად;	გათვალისწინებულია: როგორც სკრინინგის ანგარიშშია მოცემული პროექტში შეტანილი ცვლილებები გარკვეულად ამცირებს ექსკავირებული ფუჭი ქანების რაოდენობას, მაგალითად: ნახევრად მიწისქვეშა ჰესის შენობის მოწყობის პროცესში ადგილი ექნებოდა 8 000 მ³ ფუჭი ქანის წარმოქმნას, ხოლო მიწისზედა შენობის მოწყობის პროცესში წარმოქმნა დაახლოებით 80%-ით ნაკლები (1 600 მ³). ფუჭი ქანების რაოდენობა შემცირდა ასევე სადაწნეო მილსადენით გადაკვეთისათვის ხიდების გამოყენებასთან დაკავშირებით. ასევე მცირედით მცირდება მილსადენის დიამეტრის შემცირებასთან დაკავშირებით. რაც შეეხება ფუჭი ქანების სანაყაროებს, სამი სანაყაროს შეიფ ფაილები მოცემული იყო საბაზისო პროექტის შეიფ ფაილებში. გამომდინარე იქედან, რომ საბაზისო პროექტით გათვალისწინებული სამივე სანაყაროს ტერიტორია მოქცეული იყო სახელმწიფო ტყის საზღვრებში, სადაც ასეთი საქმიანობის განხორციელება კანონმდებლობით არ არიას დაშვებული გარემოსდაცვითი გადაწყვეტილების მე-10 პირობის შესრულების მიზნით, შერჩეული იქნა ახალი ტერიტორია, მომზადდა სანაყაროს მოწყობის და ექსპლუატაციის პროექტი და დადგენილი წესით შეთანხმდა სსიპ გარემოს ეროვნულ სააგენტოსთან. შეთანხმების დამდასტურებელი წერილი თან ერთვის ანგარიშს, იხილეთ დანართი N2, ხოლო სანაყაროს ტერიტორიის გის კოორდინატები შეიფ ფაილების სახით თან ერთვის ანგარიშს. სკრინინგის ანგარიშს თან ერთვის სსიპ გარემოს ეროვნულ სააგენტოსთან შეთანხმებული ფუჭი ქანების სანაყაროს პროექტის ელექტრონული ვერსია (დანართი N3)
7	ვინაიდან, სსდ გარემოსდაცვითი ზედამხედველობის დეპარტამენტის მიერ განხორციელებული ინსპექტირებით დადგინდა, რომ ექსპლუატაციის პირობების ცვლილებით გათვალისწინებული რიგი ღონისძიებები უკვე განხორციელებულია, ხოლო სკრინინგის განცხადებაში აღნიშნული ცვლილებები განხილულია როგორც დაგეგმილი.	გათვალისწინებულია: ანგარიშში მოცემულია, რომ ექსპლუატაციის პირობების ცვლილებით გათვალისწინებული

	სკრინინგის განცხადებაში ექსპლუატაციის პირობების ცვლილების შესახებ ინფორმაცია უნდა დაკორექტირდეს ფაქტობრივი მდგომარეობის გათვალისწინებით (დაგეგმილი და განხორციელებული ღონისძიებები);	ნაგებობების ძირითადი ნაწილის სამშენებლო სამუშაოები დამთავრებულია, ხოლო ნაწილი დამთავრების პროცესშია.
8	დანართის სახით, გიგზავნით სსიპ ეროვნული სატყეო სააგენტოს კორესპონდენციას, რომლის თანახმად, shp ფაილებით წარმოდგენილი ტერიტორიის ნაწილი ხვდება სახელმწიფო ტყეში. ამასთან, სკრინინგის განცხადებაზე თანდართულია სსიპ ეროვნულ სატყეო სააგენტოსთან და სსიპ სახელმწიფო ქონების ეროვნულ სააგენტოსთან შესათანხმებელი დოკუმენტაცია. ვინაიდან, სსდ გარემოსდაცვითი ზედამხედველობის დეპარტამენტის 2025 წლის 16 აპრილის N004135 ადმინისტრაციული მიწერილობის პირველი პუნქტის შესაბამისად, ადმინისტრაციული მიწერილობის ჩაბარებიდან არაუგვიანეს 1 თვის ვადაში კომპანია ვალდებულია სახელმწიფო ტყის ტერიტორიაზე საქმიანობა შეათანხმოს სსიპ ეროვნულ სატყეო სააგენტოსთან კანონმდებლობით დადგენილი წესით, ხოლო შეთანხმებიდან 2 კვირის ვადაში უზრუნველყოს აღნიშნული დოკუმენტის სსიპ გარემოს ეროვნულ სააგენტოში წარმოდგენა, გარდა ამისა, ვინაიდან, ინსპექტირებით ასევე დგინდება, რომ ექსპლუატაციის პირობების ცვლილება განხორციელებულია, სკრინინგის განცხადებას უნდა დაერთოს სსიპ ეროვნულ სატყეო სააგენტოსთან შეთანხმების დამადასტურებელი დოკუმენტი.	როგორც მე-4 პარაგრაფშია მოცემული საბაზისო პროექტის გავლენიზ ზონაში მოქცეული სახელმწიფო ტყის ფონდის ტერიტორიებზე საქმიანობის განხორციელების თაობაზე საკითხი 1018-2019 წლებში შეთანხმებულია სსიპ ეროვნულ სატყეო სააგენტოსთან. სახელმწიფო ტყის ფონდიდან ამორიცხული ტერიტორიებს გაერთიანების შედეგად მინიჭებულია აქვს საკადასტრო კოდი N42.16.42.816. დღეისათვის დარჩენილია ექსპლუატაციის ცვლილებასთან დაკავშირებული ტერიტორიების შეთანხმების საკითხი, რაზედაც სსიპ ეროვნულ სატყეო სააგენტოში წარდგენილია შესაბამისი დოკუმენტაცია.